

敬業堂詩集

冊五



敬業堂詩集卷二十一目錄

皖上集

題三娘子圖四首 并序

雨後行園梅花已落力輩方編籬

食薑心菜

南湖舟次遇魏禹平時禹平歸自濟

南余將往皖上二首

順風無帆戲作短歌

董文敏臨米天馬賦卷子真蹟余弟德尹以十二金購自賣骨董某家鑒

微上人貽書張岍老謂為遠客攫去足值五十金岍老作長歌紀其語

至呼弟為惡客且云此公詩歌妙絕特削其名氏正欲寄元激之使戰

語托滑稽其實乃深忌之也時德尹已北去戲次原韻即倣岍老體并

示鑒公

去秋自河南歸攜植牡丹數種春來

適有安慶之役不及待其開以詩紀別

塘西舟中喜晴得六言律詩一首 過岍老與之論詩

飲周柯雲家玉蘭花下

寒食湖上作二首

題蔡藜輝舫齋次岍老韻

從湖州至四安舟中大雨

雨中過九里岡

廣德州

連日風雨山行頗有寒色

飲十字坡茶菴

紅林橋

宣城道中喜晴

曉望敬亭山懷梅耦長孝廉

高嶺菴小憩

渡清弋江

飲劉蘧菴光祿慕園二首

南陵早發

山家柴柵編竹而不築牆云以拒虎

虎能踰牆而不敢窺籬蓋疑其為陷穽也作虎落歌

蕎麥灣大雨

山店阻雨次徐任可韻

行經九華山麓欲登不果任可有詩戲次其韻

碎石嶺詞

初至皖城喜遇同年姚別峯兼招程

松皋舍人

程松皋得余所寄詩即夕自桐城命

駕過皖次東坡喜劉景文至韻

懷寧劉東皋明府招飲薔薇花下



三月二十九日賦餅花

晚晴登安慶城樓

同年左子畏家上臣各有魚米之餉詩以報謝

與子畏上臣飲楊令詒孝廉宅

寓窗書所見

僧房多鼠戲次青丘集中乞貓詩韻

皖城遇張損持庶常

答婁東曾蘭坡次唐實君考功扇頭

舊韻

任可將歸有詩留別次韻奉送三首

損持見和前篇再疊韻奉酬

同損持任可步入一指巖

酬詩僧愷月

詩筒為損持賦

周通守劉明府惠鱒魚感賦

登迎江寺塔同程佐衡作

次韻會劉東皋

三疊前韻答程佐衡

弔元左丞余忠宣公墓二首

佐衡置酒大觀亭招同損持蘭坡志

鄴分韻得嵐字

宿松朱字綠博學嗜古所葺南岳考

三卷援據往籍至數萬言而斷以己意大要謂古之南岳乃瀟之天柱

峯非楚南衡山也頃於皖城官舍出此見示索余題辭作歌贈之

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一目錄

敬業堂詩集卷二十一

海寧 查慎行 悔餘

皖上集 起丙子正月盡四月

去冬歸自汴梁今年擬息勞筋稍理舊業適承座主清溪公之命與令孫任可偕往皖城避春江風浪之險由四安鎮取山路經宣城池陽抵黃盆口始渡江皆向來遊蹟所未到也

題三娘子圖四首 并敘

按諸葛元聲兩朝平攘錄三娘子俺答長女也生而清麗資性穎異善書番文尊中國尚瞿曇每於佛前懺悔求再生當居中華已受襖兒都司聘俺答通焉遂奪之隆慶五年俺答歸順封順義王三娘子封忠順夫人萬曆壬子俺答死其舅黃台吉烝而配之黃台吉納婦一百八人以象數珠三娘子佐之貢市惟謹台吉死長子扯力良襲封復烝而配之丁亥六月扯力良同妻

入邊巡撫鄭洛傳語三娘子無忘香火舊情卒聽平受賞于弘賜堡 去大同一里

十七年間三封貴爵貢市之不渝多有力焉獨石中軍素善繪因密圖三孃子及受封三王像以獻於朝故得其詳如此馬子衍齋屬周兼畫此圖索余題句略撮始末使覽者有考焉

香燈小炷懺前因一念三生誤隔塵莫聽琵琶思入塞明妃曾是漢宮人  
別移部帳事休屠衆裏方知顧盼殊百八摩尼齊合掌讓他一顆佛頭珠  
詔恩三換等兒嬉報貢頻頒五色絲見說兩朝曾款塞不知通好是闕氏  
埋香青冢亦堪悲粉黛流傳又一時想像承平光景好風流邊將畫蛾眉

雨後行園梅花已落力輩方編籬

宿雨潤苔痕幽人杖藜至池邊一株雪狼籍香滿地不忍踏成泥猶存惜花意  
平生無長物外遇中鮮滯一出動經年窺園偶然事敢爲花作主吾老身如寄  
乃復補樊籬遮防亦情累小童如我嬾長養薔薇刺欲剪又踟躕何當絕非類

食薑心菜

用心霜雪餘尺寸取易長土膏發春雨其葉沃以光漸見碧玉蓼枝枝葉中央

初來但小摘爛漫抽四旁花時籬落間色比黃金黃而我乃爲口斲歸滿筠筐  
毫之供盤餐指動齒頰香貧家寡私奉婢僕皆品嘗可無勤惰分於此示激揚  
園丁給宜厚特以七箸償山田歲不登老圃聊救荒所慚勞汝力充我藜藿腸

南湖舟次遇魏禹平時禹平歸自濟南余將往皖上二首

低田幾稜菜花雨野水一灣蘋葉風却向家鄉話京國小桃猶是別時紅  
烟雨迷濛港脈斜葑湖水落吐圓沙春波門外春帆影君是還家我別家

順風無帆戲作短歌

風頭滾滾浪花白啣尾隣船開絡繹千檣多作挂帆行弦曠虛弓箭初釋開翎  
一一雁投渚騁足羣羣駒過隙同時離岸我獨遲我坐無帆聊挂席偶然利鈍  
各有數相去寧須論什伯來舩未必盡無帆唉爾有帆風又逆

董文敏臨米天馬賦卷子真蹟余弟德尹以十二金購自賣骨董某家

鑒微上人貽書張岍老謂爲遠客攫去足值五十金岍老作長歌紀其  
語至呼弟爲惡客且云此公詩歌妙絕特削其名氏正欲寄元激之使

戰語托滑稽其實乃深忌之也時德尹已北去戲次原韻卽傲峽老體

弁示鑿公

古來善書者稱聖亦稱顛張芝米芾相繼出遂覺格勢大變非從前華亭老宗  
伯落筆何翩翩衆中自集一家法學本人力姿由天偶然放手撫寫天馬賦一  
斑窺豹知其全人間流落有此本幾逐市販同推遷昨來忽入好事眼三百十  
字顆顆明珠圓傾囊倒篋可咲不自量巧取或怵他人先腰纏十金一揮隨手  
盡世上乃有此種揚州仙還家但徒步不辦書畫船老僧旁觀歎且妬謂此可  
值五十千大爲得者長聲價暉卷十倍增鮮妍語聞張子忼然失固是癡癖寧  
非賢君家向來收藏亦已夥細入針孔思貫穿得無羨魚人往往猶臨淵去年  
臥病九十日料理藥物供高眠頗聞典賣及古玩何異閑閣散遣諸嬋娟故人  
傳與衛生訣撥棄嗜好年方延性之所近終不化如噉石蜜甘中邊又如雅量  
斲止酒麪車相遇口角仍流涎作詩相惱覲一擲寸鐵不用張空卷豈知懷寶  
出間道捲旗臥鼓有似刀藏鉛無端索和乃到我野戰突上荒山巔謂我曾經



閱此卷廩壘相向師非偏我能爲汝咸其輔頰舌使汝鉢腎刻肺飲食夢寐中  
難捐書評髣髴舉大概虎跳鳳翥龍蜿蜒若將墨寶比良劍也應光怪直射文  
星躔然而達人宜自廣美玉豈必收于闔貪多務得物斯聚富而可求吾亦爲  
執鞭近來書畫大半入祕府居奇幾輩包裹充賁緣三閭茆屋配汝作清供書  
生習氣如此真可憐猶復嘵嘵引喙較得失物情什伯千萬胡相懸我於妙墨  
豈不好只坐欲買羞遊囊無錢金奩玉軸所見不爲儉過眼瞥爾心恬然必教  
一一皆己有天地何以生雲烟况聞佛法無我相試拈此句詰老禪滑稽代作  
解嘲語滿紙倔強定有瀾翻篇輸攻倘許破堅壁正恐筆削爲無權嚴詩他日  
編杜集能禁此客姓氏泯泯終無傳

去秋自河南歸攜植牡丹數種春來適有安慶之役不及待其開以詩

紀別

客遊出梁宋地主頗不俗貽我六娉婷相隨到空谷我貧寄茆茨貯爾無金屋  
繁華有借境直以名姬蓄殷勤手親栽不忍委僮僕冬暖少雪霜春陰滋靄靄



栽培本天意私願苦難足可惜姚家黃一株萎偏獨五家尙成隊紈綺可合族  
別之豈無情行期爲改卜未償道路債妄冀看花福開時果出門詩讖已早伏  
余去年詩有未必花時穩閉門之句明年豈不好吾老狀可掬應咲歸來遲尋春同杜牧

塘西舟中喜晴得六言律詩一首

雨絲渺渺將斷日氣葱葱半銜客路漸逢寒食遊人未換春衫桃花古渡茆店  
柳色輕烟布帆此去清溪不遠數尖已露晴巖

過蚡老與之論詩

昨日鳩喚雨今朝鵲報晴村村桃李花處處隨浮萍中流幾千點著此孤舟輕  
故人知我來一咲門前迎別來四十日頗覺太瘦生苦吟誠乃疲中有金石聲  
子詩人所怪任意方孤行自喜正在茲焉能博時名引我附同調背汗顏亦賴  
失學事情游東西無期程古人傳著述多在名山成涉獵得其粗不如閉戶精  
子今雖善病幽居領餘清物理與天機靜觀皆性情願子堅自信後來有公評

飲周柯雲家玉蘭花下

小船撐入菰蔣牙主人如客偶在家入門一揖仰面咲玉樹正吐牆頭花此花  
畏雨兼畏日難得春來好天色今朝恰是養花天又被狂風恣狼籍與來相就  
席乍移無酒酤我我不辭杯中自吸冰雪影紙上誰賞瓊瑤詞白雲茫茫屋上  
下醉眼迷離兩相射鈎簾何用更燒燈自有花光能照夜

寒食湖上作二首

紅粧催上木蘭舟女伴家家愛出遊多事六橋新柳色自含烟雨自遮樓  
葑田青合去年沙遠岸殘桃賣酒家錯恠東風欺老眼我來原不爲尋花

題蔡藜輝舫齋次岍老韻

風過溪來洒面涼一支健水出餘杭平分半幅疑看畫難得三間恰向陽漁網  
愛牽簾影動釣絲閒拂水花香浮家倘許來相就剪取橋南正練光

從湖州至四安舟中大雨

山迴兩崖高路盡一川狹春流不盈尺野艇容恰恰正賴急雨來須臾同放牖  
孤篷支兩膝兀坐如被壓問路屢見給方言亂鵝鴨紆遲終到岸我有安心法

首路又登山回頭憶清晷

雨中過九里岡

平生狎濤江老怯風波惡茲游特改路意取山行樂一咲我命窮天公大戲劇  
朝來發古鎮苦雨若赴約肩輿煩兩夫蹉跌防失脚山山勃姑叫泥滑石齷齪  
漸上九里岡險如出劍閣我本村野姿浪遊因落魄無端役人力揣分非所托  
稍待天放晴前林候乾鵲勞生就徒步庶免中心忤

廣德州

山勢豁一州中央據衍土地當江浙會開拓自洪武長興環其東外捍等干櫓  
西南界宣歙兀突重巖俯長江乃北門集慶倚堂廡當年耿鄧功拱翼事真主  
張吳勢雖偪力絀不得取時危有鬪爭事往失險阻如今城下路日夜走商賈  
獨有好事人登城尙懷古

連日風雨山行頗有寒色

盤旋八九里下上千百尋身在雲氣中不知山淺深雨聲挂奔瀑風響交長林

空谷早晚寒颯然作秋陰初疑春不到忽有啾啾禽

飲十字坡茶菴

連岡踏成泥山骨似無石汙池之所瀦土赤水亦赤瓢漿乃時需解渴聊飲血  
一飲不自持吁嗟遠行客

紅林橋

山花不知名山鳥多聚族深村窅然入樹影散晴旭人家石橋邊共吸一溪淥  
年豐旅食賤市遠無魚肉但覺松毛香茅簷燒筍熟

宣城道中喜晴

宣城古郡風土嘉就中最樂惟村家我來正值積雨後雲氣解駁生晴霞岡巒  
過盡徑路坦溝洫流去田塍斜新茶未焙穀雨葉早稻已茁清明芽長鬚搖風  
翻宿麥新翠著地鋪胡麻柴門相接綠陰裏籬落綴以朱藤花迴思連日走旋  
濤若涉大海無津涯人間乃復有此景始覺大地猶春華

曉望敬亭山懷梅耦長孝廉

千峯含霧爭出沒惟有敬亭先得日相看不厭吾亦云可惜游蹤難自必都官  
詩派誰復論家法傳與長身孫孝廉詩好畫亦好不愛城市居山村昔在京華  
曾倒篋看畫求詩情頗狎入山不訪住山人古者論交無此法山川興到尙可  
乘他日重來能不能作詩爲報句溪叟聊記吾曾過宛陵

高嶺菴小憩

再上已無路中休宜有菴花陰移客座松氣接僧談俯視風斯下端居戶正南  
一泉香積味慚媿荷分甘

渡清弋江

一曲清江抱白沙牧之佳句舊曾誇乍離古渡舡如葉初換春衫客憶家遠處  
人烟連竹色晴來村店忽楊花亂山青過陵陽路遙指雲頭辨九華

飲劉蘧菴光祿慕園二首

恬澹知君性中年早罷官自耽泉石趣轉覺世途難爲我開花徑攜樽就藥欄  
肯辜楊柳月深坐到更闌

此來吾有幸別圃得春光地主留花待詩情被酒狂  
款門煩兩使愛客到諸郎  
千里能相就何須置鄭莊

南陵早發

林深葉密曉冥冥旭日初啣霧未醒小店門開惟土竈  
一菴僧閉但茅亭秧從  
布穀聲中綠山向畫眉啼處青獨與野樵爭路入偶逢釣叟覺魚鯉

山家柴柵編竹而不築墻云以拒虎虎能喻墻而不敢窺籬蓋疑其爲  
陷穽也作虎落歌

危巖下瞰千仞壑猛虎騰身只一躍東村黃犢西村羊入室踰垣恣饕虐  
山人  
不以墻禦虎插竹成籬用藤縛目睛如炬不敢窺疑是中間伏機獲天生人智  
爾則愚咆哮作力胡爲乎不知此法自誰創陰絕覬覦真良圖周防莫遣樊籬  
破與虎爲隣可高臥

蕎麥灣大雨

蹇驢蹙蹙牛蹄重兩脚斜飛密無縫雲蒸霧氣取境迷  
泉挾雷聲撼山動詩人



好遊復好奇衣沾履濕去不辭人生行路難如此偏在溪山最好時

山店阻雨次徐任可韻

長程愁冒雨小市喜臨橋旅飯留人住征衣借火燎溪喧窗逾靜吟苦膝頻搖  
莫作衝泥去尋山不在遙

行經九華山麓欲登不果任可有詩戲次其韻

玉池瓣瓣蓮石角株株筍去天纔一握豈可尋丈準一百六青峯峯峯入吾眵  
終焉就埋沒雲霧諒不忍天如憐詩人久被陰雨窘雖非鸞鶴姿稍異蟄蟲蠢  
撥雲使就道迴馭控鞅鞞我僕忽告勞從旁乃微哂平生汗漫遊衰暮與易盡  
向來徒碌碌臨去猶恹恹寄語雲中人塵寰終遠引他年香案吏名籍倘未泯

碎石嶺詞

黃泥岡頭白日黑竹雞一聲石盡劫杜鵑勸客不如歸鷓鴣阻人行不得居人  
慣聽不覺愁一蓑背雨唱歌去我與爾同風馬牛

初至皖城喜遇同年姚別峯兼招程松皋舍人



宜城渡頭三月尾菽洲新漲河豚起片帆帶雨剪江來意外班荆得姚子人情  
得隴每望蜀便想同時兼兩美作詩更欲招之眾東向縱楊寄雙鯉大龍山頂  
龍眠鬘起伏尻雕百餘里晴光欲動草翻烟春事將闌花潑水君能命駕姚亦  
留猶及同看紅藥蕊

程松皋得余所寄詩卽夕自桐城命駕過皖次東坡喜劉景文至韻

偶然折柬相招呼起聽雙鵲鳴庭隅知君與我不遐棄古義鄭重今人無肩輿  
西來二百里疾足遠致兩僕夫款門大咲發狂喜屐齒忽折行須扶余頭漸添  
種種髮君領競長鬢鬢須別來三歲遽如許尙不作達寧非迂勿嫌江城春已  
晚百物生意咸昭蘇梢頭紅藥若有待含語未吐真名姝烟花滿前太狼籍風  
雨賴汝能支吾有情相對且盡醉只恐酒醒仍江湖

懷寧劉東臯明府招飲薔薇花下

江城十日九日風遊絲落絮飄晴空春光却在令君宅別館布席依芳叢竹籬  
半庭添曲折葉幌一架穿玲瓏不知花頭幾萬朵但覺香靄浮簾櫳晚霞烘天

鶴頂赤杯面倒影魚鱗紅小胥抄詩浣清露狂客噓氣攄烟虹人言簿書妨作  
達正坐才短心憧憧如君治劇本閒暇豈有塵霧能相蒙神清政簡若無事佳  
興自與遊人同不辭小戶徑霑醉髣髴置我葡萄宮酒闌更話十年舊獨惜座  
上無車公

朱悔人與劉同  
邑交好故云

三月二十九日賦餅花

客中春忽盡僧舍少嘉樹野草着幽花荒庭邀一顧膽瓶貯遠汲紅紫插交互  
雖深攀折憐且免風雨妬新枝若矜寵昨者便成故也復有遊蜂窺尋入窗戶  
沾泥落衽席等是閱朝暮微物感吾心流光去如鶩

晚晴登安慶城樓

浩浩風聲鼎鼎沙大江東去日西斜雄關地脈來千古郡山頭有萬家一鳥  
帶烟投皖口亂帆如葉點楊槎最憐落拓重遊客獨倚高樓看落霞

同年左子畏家上臣各有魚米之餉詩以報謝

裹飯初來似趁虛可能彈鋏賦歸與故人館俸慚供米久客江城愛食魚垂餌

欲分鉤上粒勸餐恐有腹中書頻年自識勞薪味指動無端忽累渠

與子畏上臣飲楊令詒孝廉宅

映門新漲碧鱗鱗步履相過近有隣江上萍蹤三月社意中雲樹十年人傾來  
竹葉休辭醉飛到楊花不惜春曾是東風同下第每逢高會易傷神

寓窗書所見

孤城低壓青山麓人在山樓正倚窗忽有一帆移樹杪始知花外卽長江

僧房多鼠戲次青丘集中乞貓詩韻

物以黠著名其性故狡獪詩有穿墉譏史徵渡江怪兩端持首尾同穴爭勝敗  
宵行競睢睢晝伏避噲噲飲河恣取滿食角忽入隘寧拚五技窮肯守一貪戒  
客來寓闕院古佛同破扉下榻地無多羣來擾我界迎貓古有訓攫噬冀大快  
香積乏魚餐餘蔬雜鱧錫公然掉尾去竄瓦等歷塊坐長鼠輩驕法門幾大壞  
聲疑蝙蝠叫惡甚蠅蚋嘖齧綫衲旋穿污几經屢曬嬾禪倒頭睡并少沙彌誠  
龕燈乍明滅慣伺神力憊客主滿堂中欺人盡聾聵老夫非不聞恥與鬪機械

逝將歌去汝鞍馬早可韜聊復忍斯須敲眠發長噫人間老吏多斷獄豈盡賣  
磔之肆階下微命直草蒯害有大於斯文磨法猶懈豺狼問當道此語堪下拜

皖城遇張損持庶常

別君四年前養痾臥鄉井繼聞君遠出訪舊歷鄆郢藥裏頗關心川長徒引領  
何期皖城下邂逅歸帆整春江展明鏡照見兩人影一訊眠食佳再看詩句警  
所欣神氣旺餘力出鋒穎男兒鬪身強卽事有循省我貧甘瓠落蹤跡雜蛙黽  
君本青雲姿霜蹄早已騁姓名上館閣著作富彪炳間亦事清遊官情冰雪冷  
却將燕許筆收斂耳目景自唉捲波瀾人誰測千頃猶然荷降氣采取到頑礦  
故交豈不多幾個念萍梗迂踈踵後悔窮老戀真境且盡十日歡歸期敢遽請

答婁東曾蘭坡次唐實君考功扇頭舊韻

唐庚

謂東江

吳質

謂元朗

並詞壇珂里流風尙未殘白髮江湖稀老伴青韶朋舊半

高官千金買賦愁何益二頃求田計果難慚媿新篇謬推轂故應仍作布衣看

任可將歸有詩留別次韻奉送三首

來何草促去何輕話到臨岐百感生並轡山程驢沒淖對眠禪榻鼠窺檠豪除  
湖海陳登氣老傍江關庾信名行李累君吾轉媿不曾彈鋏爲魚羹

欲解孤舟又蹙維留行無計且遲遲夢回風雨春將老興盡江山句益奇萬事  
到頭難逆料獨行何地不相思人生只有情難割容易并刀剪亂絲

胡麻好種盍言歸悵望郊園白板扉隨水孤萍無定所

時余又將  
往潞城

出巢雙燕又

分飛鄉音伴我人餘幾家慶如君世絕稀也道此番非遠別不知何事倍依依

損持見和前篇再疊韻奉酬

君才如轆轤倒捲百丈井運斤乃成風巧斲無匠郢和章出神速佳處心獨領  
鬪險初以奇好暇仍用整余姿實驚鈍何敢望鞭影未免竭蹶趨因君聊一警  
終焉免冠謝老秃管城穎有顏知自慚在痛無不省稍窺作者意此事力難詘  
一生坐好遊四牡蹙靡騁忽悟旋已迷不文焉用炳北風吹短褐暖律中微冷  
逝收汗漫蹤少補桑榆景烏犍叱兩角碧沼開半頃欲回焦穀芽如鑿石田礦  
賦才亦分定造化豈可梗君苗硯欲焚邊幅窘詩境詞華公等事稼圃吾所請

同損持任可步入一指巖

借居古寺如雞埒破窗無紙戶礙眉庭荒草蕪一無見臥聽別院鳴黃鸝故人  
敲門不暇嬾邀我近出同尋詩平岡路轉百餘步忽有曲徑穿疎籬春光已殘  
夏方淺景物正及清和時新篁飄籜雨蔌蔌老樹吹絮風披披石榴初綻的皜  
蕊勺藥未吐婀娜枝三間精舍好位置高下恰與林巒宜寓居纔隔一垣耳向  
所未到今追隨自慚百事坐頽廢覽勝亦荷同儕貽

酬詩僧愷月

十日吟牕悵獨恁不知同舍有詩僧感深逆旅皆爲客快比西南乍得朋芳草  
一簾花外磬綠陰半榻雨中燈從今便結尋山伴我着芒屨爾擔簦

詩筒爲損持賦

誰將圍寸竹截作徑尺筒粉筠削盡肌理出玉質外瑩其中空爲君滿貯詩千  
首投以琅玕報瓊玖寄去寧煩六六鱗捧來須得纖纖手

周通守劉明府惠鱗魚感賦



江橋市氣鯉細瑣雜鯁鰻鱒鰓及子鱗邂逅適我願鮓魚乃海味族類去人遠  
無端四月初來就捕魚堰成羣吹柳絮力小波濤困高價買銀刀充庖復奚恨  
千錢易一尾奇貨居負販何當地主情絡繹餉懦鈍於余誠過分爲爾勉加飯  
憶昨京口城南包充北獻 至尊珍匕飭官長申重巽千艘網夜集卅驛沙晨  
歎爭致五侯鯖誰焚百金券自茲遂成例難以什伯論乘時規盡取挂一肯漏  
萬遺落偶人間搜羅又焉遯生平持竿手意釣本無悶竭來江湖遊飽食慚頓  
頓仁人砧几憐豈獨泯恩怨竭澤慎須防擊鮮毋久恩

登迎江寺塔同程佐衡作

江山本無窮遠景域近見凌空得古塔覽勝斯獨擅方當賈勇登寧計足力倦  
一層一喘息屢上屢迴旋漸覺所歷高團團目雙眩大龍鱗甲動掉尾曳匹練  
東沈九子烟西掣五老電日光盪浮氣顯晦呈千變何來萬斛船初若葉墮片  
須臾到城下鳧鴨依稀辨應有舟中人回頭望雲巘江心指倒影了了識我面  
多生幻妄緣顛倒徒自炫不如且整憩萬象付虛盼直作御風行冷然有餘善



次韻會劉東皋

珍做宋版印

展翼須大風負舟視積水我無二者力於義味知止魚鳥兩忘機波流任縈委  
蹉跎不自覺憔悴今老矣華髮映青衫無由脫塵滓近攜詩卷出聊復向江汜  
邂逅劉文房清吟壓錢起君家五字城藝苑久擅美千鈞斬鬣角八扎洞犁耳  
也似奏牛刀善然入腴理專家尙難到碌碌況餘子不謂簿領中兼長乃有此  
訟庭懸一鞭客座設四簋文書日堆案遮眼愛經史咳唾隨口成珠璣誰得似  
猥蒙獎許及欲報慚何以君本大厦材干霄養桐梓交章岳牧薦名姓上九齒  
猶復滯河陽年年種桃李譬諸閒草木臭味在蘭芷廊廟亟需才遠琛棄西珥  
築臺收駿骨應自郭隗始班超筆未投卜式爵爭徙輸邊半文吏磨盾雜象珥  
曷不走從軍尙堪作嚆矢

用班超傳中語

三疊前韻答程佐衡

吾黨得程生紛綸五經井變風欲刪鄭高調乃和郢跌蕩到文壇鸚鵡可獨領  
談辭聽奮發儀度看修整實至名斯隨有如燈取影昔年入太學都講拔清警

衆中頗不凡揚藻謂見穎淒然經報罷徒步告歸省余時亦客燕瑁璩語交鉅  
鴻飛豈顧弋馬繫終思騁內熱聊飲冰寧堪膏自炳至今清夜夢一咲齒爲冷  
小別曾幾何雙丸劇馳景回思十年事倏忽若未頃君猶錐處囊我已鐵錮礦  
向來期許意土偶遇桃梗正賴好江山鬱紆豁奇境明朝有高會徑造不待請

來日約遊  
大觀亭

弔元左丞余忠宣公墓二首

王氣江東五彩雲上流假手緩游氛若教京觀同時築誰表孤忠異代墳僭號  
無成終是賊殺身得地孰如君到頭此事關天幸不死吳軍死漢軍

殘局何須論上都一軍援絕勢真孤江山故壘殘骸在社稷中原尺土無計定  
全家爭赴難時危幾個肯捐軀他時謫守含山廟媿殺生降一老儒

用危太  
朴事

佐衡置酒大觀亭招同損持蘭坡志鄴分韻得嵐字

故人置酒城西南攜我晚登百尺嵐大觀亭在喬木杪鵲巢近檻俯可擲短墻  
截斷萬家井惟見遠景浮青藍海門一關三百里白馬南下無停驂南江勢與

中江合一折匯作蛟龍潭孤亭如山撼不動影入明鏡光泓涵舟人水鳥互出  
沒去者兩兩來三三夕陽欲沈沙岸樹疎磬忽報隣僧庵主呼痛飲客徑散要  
令耳目留清酣

宿松朱字綠博學嗜古所葺南岳考三卷援據往籍至數萬言而斷以  
己意大要謂古之南岳乃灤之天柱峯非楚南衡山也頃於皖城官舍  
出此見示索余題辭作歌贈之

皖中奇士推朱生文采奕奕千夫英手持一卷南岳考筆力獨舉千鈞輕首援  
六經證據確旁及百氏搜羅并尚書兩篇列四岳惟有泰岱名孤撐北恆西華  
南則霍疆域錯見因圖經厥初相距道非遠天子一歲周巡行後來漢武禮天  
柱荒邈不及衡州衡可知灤岳卽南岳語雖似創辨頗精君家近住此山下高  
論直比山崢嶸火維一神欲易位此事乃可口舌爭我思鴻濛肇開闢羣山綿  
亘誰指名自從肆覲加望祀錫以封秩同公卿神靈豈邀軒冕貴世俗自炫壇  
壝榮界連郡邑互引重事出讖緯多紛更陋儒聞見溺沿習幸免流輩相譏評

如君特識那易得我不爾怪旁人驚昌黎南遷偶失考詩句聊紀衡陽程他年  
重續輿地志待爾著述名山成

敬業堂詩集卷二十一



敬業堂詩集卷二十二目錄

中江集

久客皖上將之江州劉東皋以詩見送次韻留別

酬別高雪亭

皖城早發却寄姚君山別峯兄弟

黃石磯

重泊路灌溝憶十八年前曾阻風於

此

蘆洲行

花洋鎮阻風望小孤山借東坡慈湖峽五首韻

避馬當之險從磨盤洲經沙灣至喻家洲

阻風小孤山北晝夢家園牡丹盛開醒而聞鷓鴣聲戲成一絕

遊小孤山二首

并序

午日重登庾樓和朱恆齋太守

湓城喜雨

次韻酬南昌葉素我

題恆齋太守春江載鶴圖小影次韻四首

發潯陽訓恆齋贈別二首

重過湖口望五老峯



赭磯兩泊

彭澤阻風追憶壬申舊遊寄朱恆齋

九江魏昭士寧都

曉晴過馬當

大雨泊東流城下食頃放晴二首

夜泊吉陽湖

曉發望江岸晚至樅陽

樅陽僧舍消暑七首

過青山弔田間先生示懷永懷玉兄弟及令姪廷益三首

順風過池口

大通舟中看雨

六月十五夜紫沙洲對月

當塗道中

晚登高淳縣南水月閣

渡高淳湖

從泝練出西沈二首

九龍山下人家

初登惠山酌泉

六月廿三歸舟過荷花蕩口戲作

常州道中紀事二首

春間從吳興買藕寄歸種園池中今

歸自皖城白蓮已試花徘徊池上有作

顏學山學憲招同劉坡千林碧山沈昭嗣湖舫燕集



九日同趙蒙泉項霜田楊次也泛舟西湖登孤山和蒙泉作二首

唐考功東江爲仇滄柱編修禮闈所得士今來典試吾浙出闈後爲湖舫

雅集邀余奉陪卽席和蒙泉韻二首

題吳紫萼所藏吳白畫設色金銀花

秦郵道中卽目

舟經寶應居民被水者多結茅於堤

上故廬漂沒不可問矣

季冬朔日渡黃河

王家營旅店遲楊次也家東亭不至

紅花埠遇雪

雪後蒙陰道中

張夏旅壁見德尹墮車傷指絕句戲次原韻三首

趙北口夾堤柳陰最密不知何故忽被斫伐存者惟枯樁而已感歎成詩

命兒建同作

白溝旅店見甲戌冬杪題壁詩談是

山繼和一首再次前韻兼寄未庵

敬業堂詩集卷二十二目錄

古風無名氏甲乙

古風無名氏甲乙

古風無名氏甲乙

古風無名氏甲乙

古風無名氏甲乙

古風無名氏甲乙

古風無名氏甲乙

古風無名氏甲乙

古風無名氏甲乙

古風無名氏甲乙

古風無名氏甲乙

敬業堂詩集卷二十二

海寧查慎行悔餘

中江集

起丙子五月  
盡十二月

留皖城兩閱月九江郡守朱恆齋在札見招復買帆溯江而上又踰月乃  
賦歸按禹貢有北江中江之名皆在彭蠡東孔氏傳以入震澤者為北江  
則古之中江當在皖口以上溢口以下今湖口一縣當江湖之匯與經文  
所云東泄北會為匯東為中江者正合而正義引地里志乃指為震澤之  
中江竊恐不然輒據所歷攷正焉

久客皖上將之江州劉東皋以詩見送次韻留別

大小孤山色西南兩點煙獨攜孤枕夢又上九江船岸闊沙沈樹風狂浪拍天  
感君投贈意臨別倍依然

酬別高雪亭

五年經遠別一月又將離捷徑人皆驚頭銜爾未移  
雪亭為桐城令九年矣  
上官須善事

衆口莫相疑但去沽名意後來終見思

皖城早發却寄姚君山別峯兄弟

又背孤城去驪歌不忍聽薄遊逢地主久住爲山亭月黑江光動魚跳霧氣腥  
檣烏啼最早愁鬢轉星星

黃石磯

水淺舟膠細作鱗半蒿撐過石粼粼風傳茅店棟花信山作畫家荷葉皴  
也鼓角自鳴孤戍壘江湖暗老獨遊人郵籤不用長年報熟路重來免問津

王濛畫法

重泊路灌溝憶十八年前曾阻風於此

沙嘴沿迴又一灣人家初在淼茫間帆生浦口霏微兩岸走雲根斷續山芳草  
迎船依舊綠白鷗如我幾曾閒可憐路灌溝邊柳暗閱勞生六往還

中江 蘆洲行

江干積薪如列屋巨艦裝來聯萬斛天生此物充正供歲歲陳根發新綠舊崩  
沙岸冊未除新漲荒洲報方續三年一丈久成例增減何曾量盈縮不知此課

起何年坐待摧枯濕同束我聞王政有遺利藪澤閒田聽樵牧如今尺寸籍農  
丞作備必由桑與卜踏地輸租爾勿慳逃空那得出人間但看歸雁知人意不  
敢啣蘆徑度關

花洋鎮阻風望小孤山借東坡慈湖峽五首韻

積水西南一眺空海門遙在有無中行人已達大雷岸好借半帆潮信風  
遠色蒼然近晶然鷺鷥衝破夕陽天煙江疊嶂無人畫一硯題詩落眼前  
魚網漸收沙際市酒旗猶綽水邊扉青裙縞袂誰家女日暮一砧來浣衣  
萬竅爭號怒未融輕篙弱纜總無功老夫只作參禪坐定裏松濤起半空  
小孤知我重來意先向江心轟片帆爲報白頭猶健在擬尋初約上巉巖  
避馬當之險從磨盤洲經沙灣至喻家洲

清江吐白沙去岸二三里小艇泛艫艫團團磨旋螳江豚鼓鬣簸蕩南風起  
篙工羣作力進尺退或咫尺馬當突兀來石狀怪且詭半爲鬼斧劈倒插截其趾  
白鷺導我前依依投別汜紆途雖較遠脫險差可喜輕生涉波濤鹵莽迫暮齒

前非踵知悔恐懼及茲始

阻風小孤山北晝夢家園牡丹盛開醒而聞鷓鴣聲戲成一絕

羣仙一味嘲輕脫故引名花入臥遊却被鷓鴣呼客起黃蘆苦竹近江州

遊小孤山二首并序

大江經湖口縣合彭蠡之水達於皖口禹貢所謂中江也小孤山屹立于其中當盤渦激湍之匯雖好事者亦罕游余過此數數矣至輒風濤間作丙子四月杪從安慶溯江而上連遇西南風舟行濡滯五月戊午黎明發喻家汛刑牲默禱須臾風止余竊喜曰登山夙願也神其許我乎亟令榜人翦渡山形三面懸峭惟西南一角橫石坡陀首受分派其下洄流可以弭棹攀磴北上劣僅容趾凡百餘級入洞門折而東鐵柱在焉稍西爲神女祠再上爲大士閣從神女祠西北上兩旁峭壁中穿石罅如入螺殼中背東面西已復折而北路盡一亭翼然行者必少憩以蘇喘息然後躋絕頂焉山之顛遠而望之初若半圭已而如拳如髻至此乃知其中分爲二也環而計之東西北皆



方南獨圓南北長二里許東西得三之一東麓距岸約四里西麓僅三之一  
山之大概盡矣既序茲遊之始末又綴以二詩夫有所感也

一綫長江直向東可無拳石兀當中僧窗坐湧千帆日客袖來當五月風筋力  
將衰酬夙願波濤不拒賴神功山雲海市尋常事敢擬韓蘇說感通

鳥道羊腸盡坦途身先僮僕作前驅能為砥柱何妨小不傍羣山轉愛孤江海

一關留鎖鑰金焦兩點關門樞從他萬口流傳誤肯許彭郎作配無小孤山神

不知始于何時歐陽公歸田錄稱小孤在水中巖然獨立深譏轉孤為  
姑為俚俗之訛然東坡詩小姑前年嫁彭郎則宋以前久承此譌矣

### 午日重登庾樓和朱恆齋太守

已上孤城又上樓使君高宴最風流重來湓浦逢佳節閒對廬山話昔遊畫鼓  
綵纏爭渡楫曉粧紅插半開榴賞心事事多非昔不獨思鄉易白頭

### 湓城喜雨

塋田長苦旱九江民俗呼遠水田為塋田近水田為龍田塋讀作胖上聲炎夏方蘊隆坐看匡廬雲出沒千

萬峯不肯作霖雨厥占歲當凶天心有轉移夜枕聞霹靂火光出飛電起整鞭

潛龍朝雨忽滂沱雲來相附從偶然得際會似欲貪天工野人本無心詩語出  
至公旱吾不汝罪雨亦非汝功

次韻酬南昌葉素我

寥寥海內幾同心此事終緣臭味深乍喜芝蘭留獨賞每談風月輒相尋數篇  
爲我開詩戒一語從君進酒箴惆悵琵琶亭畔柳中年聚散最難禁

題恆齋太守春江載鶴圖小影次韻四首

麴塵濃綠染初勻紅杏村邊雨洗新不向春江看畫稿誰知太守是詩人

也如泛宅也浮家畫舫移陰柳半遮好與茶山留故事閑封遠信裏青紗

黃山谷以

青紗蠟紙裹茶寄人不過二  
兩廬山產園林茶故借用之

自飲廉泉不願餘更留何物伴琴書仙禽最得貧官意未肯臨淵便羨魚

一羣紅掌漾清波官閣詩成記放鵝

恆齋有放鵝詩

斗粟累人添鶴料二千石俸近無

多今年官俸  
俱充兵餉

發潯陽酬恆齋贈別二首

遊蹤宦跡並沈淪管鮑交深在一貧小別星霜經五稔遠來風雨又三旬弟兄  
托契情原厚兒女相關意倍親料得他時了婚嫁兩翁俱是白頭人

時與恆齋  
初結兩姓

好之

攀轅截鞚去何之廉吏誰云不可爲風月招邀蓮社酒江山開拓庾樓詩官情  
向冷憂還喜苦語臨分頌亦規莫聽琵琶空洒淚清名難得 九重知

恆齋已  
挂吏議

奉旨  
特留

### 重過湖口望五老峯

又挂輕帆過石鐘有情難忘是遊蹤風痕忽散一湖浪雲氣愛迷五老峯此日  
舟中回白首當年天半倚孤筇衰遲定被山靈笑歷險探奇漸漸慵

### 赭磯雨泊

午汗翻疑晚未融雨聲夜入菰蘆叢孤舟野岸少嘉樹六月大江多暴

江湖舟  
人呼作

報風蚊響似爲雷助勢螢光敢與電爭紅等閒何用生分別多付微涼一枕中

彭澤阻風追憶壬申舊遊寄朱恆齋九江魏昭士寧都

綠楊陰裏幾家烟小縣重來記往年  
劈紙風流看駐節隔江雲樹識歸船  
故人久別稀書札太守新聲在管絃  
欲上旗亭無酒伴鬢絲愁絕杜樊川

曉晴過馬當

風止波猶鳴空江蕩餘勢千帆散  
萍點飄轉豈有蒂夏雲少媚姿突兀拔空際  
小孤曉粧就回首露寶髻但覺兩岸移  
寧知一川逝詩成枕席上出語如噴嚏  
境過旋已忘中流方鼓柁

大雨泊東流城下食頃放晴二首

沙頭初繫纜船尾忽聞雷高浪吞天去  
長風帶雨來近城嵐氣合對岸夕陽開  
六月川程惡陰晴日幾回

只有青山色差宜雨後看天心今若此行役  
倍知難翠柳騎牛岸清流浴鷺灘  
不逢陶靖節誰肯說休官

東流古彭澤也

夜泊吉陽湖

酒旆當門柳拂船雨餘一帶好山川  
漁村吐火江初練葦岸沈鉤月未弦  
風進

微涼知夜永客歆孤枕覺秋先亂蛙最是無情物苦向荒灣聒醉眠

曉發望江岸晚至樅陽

中流汙汙浪作花輕帆南下整復斜家書曉報大雷岸客夢夜落長風沙船頭  
一轉二百里水面忽浮三兩家烟收霧散目力短白鳥飛去移蒼葭

樅陽僧舍消暑七首

樅陽古重鎮六代推繁華軍府建旌麾居民十萬家自從郡邑改夾岸惟蒹葭  
誰知近水市客饌無魚蝦

古刹聚劫灰入門尙茅茨曾經上番住徑造不見辭短牆日就頽故榻猶未移  
閨黎頗好事指我壁上詩重來亦偶然翻觸徂年悲

壬申客樅陽會寓此

昔與錢少陽茲焉互酬唱頗爲文字飲屢荷雞黍餉別中兩寄書松竹間無恙  
答言吾老矣後會恐難望世薄風氣衰老成果殂喪田間一茅屋過者今悽愴

傷錢欽光先生

道楷本名僧文士相往還築居傍闐闐長苦不得閒遠客寡交遊避暑來掩關

汝出我居守嗒焉似空山

庭空白日長竹樹森成林彼當炎歊氣我受清涼陰北窗多好風時時中衣襟  
長恐俗子覺叩門來足音

客贈贛州蘭幽賞自矜貴遠遊無長物爲爾添一累月明看露光人靜覺花氣  
提攜成老伴一咲吾臭味

老夫方晝眠風雨來縱橫欠伸得餘味羣動了不驚電影搜破壁謂是吾眼明  
雷聲殷空牀謂是吾耳鳴須臾萬竅寂殘夢續復成

過青山弔田間先生示懷永懷玉兄弟及令姪廷益三首

田塍高下路欹斜小雨濛濛早稻花到此不愁迷失道讀書聲裏是君家  
絮酒何辭觸熱過依然廢瑟在巖阿較他短笛山陽泪三世論文感更多

存亡出處總相關惆悵燕臺客未還滿架遺書付君輩天教風雨護名山

時越秀客

遊京師

順風過池口



艚艚上南風急好片池陽雨後天九十九峯青不斷白雲蒸出九枝蓮

大通舟中看雨

南岸雲埋山北岸雲出岫乘時各行雨天本無私覆豈知倉猝間中有龍蛇鬪  
當其鬪未合中流猶白晝南勢漸北侵渡江躡窮寇馬牛殊順逆蠻觸爭左右  
北風忽不競退縮示免胄坐聽南風狂蛟涎捲奔溜雷公與電母飛檄亟相就  
盡助昆陽圍誰爲鉅鹿救須臾賀戰勝兩點隨其後的礮走明珠淋浪撒金豆  
魚蝦半空落虎豹或驚仆我窮客江湖境險迫邂逅閒中閱造化觸目誇日富  
吟成看雨詩蓬隙日光漏

六月十五夜紫沙洲對月

機船古柳岸江闊風吹裳快哉雷雨餘復此終夕涼清波洗眉目白露入肺腸  
炯然孤月明漏此一掬光願從魚鳥住永與江湖忘

當塗道中

六月江路惡驚濤戒舟杭挂帆入支河如馬馳康莊雨過禾苗齊風來蒲稗香

平灘立鷗鷺淺草眠牛羊宛宛柳拂渠修修竹遮牆時見荷耨叟休陰坐微涼  
游子久離家歸心日夜忙寧知此間樂風土近故鄉

晚登高淳縣南水月閣

偶爾經過偶泊船偶登佛閣亦隨緣一茶不負居僧意留我西窗看稻田

渡高淳湖

曉程貪穩睡天色尚濛濛人語蓼花外鳥鳴芰葉中舟稀知路僻水淺賴潮通  
脫盡江湖險朝來不怕風

從泮練出西沈二首

到此無風也自涼繞身四面是湖光舟人遙指宜興縣孤塔對船如筍長  
蘆灘淺處作人立白鷺一羣如白衣何事近船還引避故應慚我未忘機

九龍山下人家

小屋疎籬透晚涼亂蟬啼處正斜陽綠槐樹底通頭女風過微聞抹麗香

初登惠山酌泉

初登惠山酌泉

九龍蜿蜒來垂首倒吸川歎雲洩乳竇至味淡乃全我攜陽羨茶來試第二泉  
山僧導我至古木枝參天不知閱幾朝仰視皆蒼烟蔭此一眼碧自然得澄鮮  
出山豈不清真屢恆相懸餅罌列市肆例索三十錢挹注苦被欺向來殊可憐  
會當置符調此法休輕傳

六月廿三歸舟過荷花蕩口戲作

綠水紅蕖連夜開明朝多少畫船來歸人合被遊人笑揀取花前一日回

吳中風俗

六月廿四日士女遊荷花蕩

常州道中紀事二首

一丈黃泥浪郊扉尚有痕孤城經雨塌百瀆被湖吞鵝鴨回頭失蛟龍掉尾渾  
亂帆如白鷺點點稻花村

暴漲衝橋斷騎牛當渡船築塘連絕岸屏水出低田沈竈蛙魚入疎籬荇藻懸  
天心人不測容易說豐年

春間從吳興買藕寄歸種園池中今歸自皖城白蓮已試花徘徊池上

有作

廢圃遺利多污池荒一畝養魚飽獮獺棄作葭蘆數計窮乃得變水淺規種藕  
種藕利稍遲事在三年後先爲看花計於義微有取呼兒移竹榻謀婦出斗酒  
舊來小池亭頽圯惜已久池南向有石亭  
亂後燬於火艱難生理窄一醉還家偶結茅何時  
成惆悵回白首

顏學山學憲招同劉坡千林碧山沈昭嗣湖舫燕集

京國頻年散素心湖山一夕盍朋簪笙歌隔座通荷氣臺榭移舟過柳陰邂逅  
不愁佳客少往還誰似故交深只慚當路憐才意猶許方干作醉吟

九日同趙蒙泉項霜田楊次也泛舟西湖登孤山和蒙泉作二首

清醪盈樽蟹劈黃故人約作重陽啼殘楓樹鴉翻陣影拂蘆花雁起行此日  
烟波還命侶去年風雨正遊梁回思南北勞勞路翻怪登高得故鄉  
涵碧橋東畫舫停遊人多上御碑亭樓臺頓改才人畫丘壑潛移處土星紅  
葉晚燒諸寺赤碧天秋縱兩峯青詩翁老去狂猶昔肯向湖山更乞靈

唐考功東江爲仇滄柱編修禮闈所得士今來典試吾浙出闈後爲湖舫雅集邀余奉陪卽席和蒙泉韻二首

前輩風猶在斯文寄不輕歐陽爲座主蘇軾得門生一月了公事三秋多勝情  
旁觀爭太息誰不重科名

錦纜牽官舫餐錢費客庖酒開清箸瓊橘拆洞庭包霜嶺將楓葉烟堤尙柳梢  
湖山君作主何地置貧交

題吳紫萼所藏吳白畫設色金銀花

天公省事厭紛華澹白微黃本一家却被毫端勾染出無端分作兩般花

秦郵道中卽目

以下十月北行作

不知淫潦齧城根但看泥沙記水痕去郭幾家猶傍柳邊淮一帶已無村長堤  
凍裂功難就濁浪侵南勢易奔賤買河魚還廢箸此中多少未招魂  
舟經寶應居民被水者多結茅於堤上故廬漂沒不可問矣

蛟涎魚沫奪殘黎收復流亡賴此隄寒比蟄蟲宜謹戶忙如巢燕正爭泥雲沈

雪意千帆合天壓湖光四面低好與官家勤畚鍤免教歲歲逐鳧鷖

季冬朔日渡黃河

是日河冰合而復開土人名曰凜凌

崑崙萬里來盛氣日盪決嚴寒一摯斂流汞變積鐵下容蛇龍臥上少螻蟻穴  
風雨過輪蹄雷霆駭魚驚河神不敢偵縮頸比蟲蟄東風昨夜至氣候改栗烈  
忽開無底竇暑與厚地裂將毋銀山崩散作萬堆雪小船晨喚渡投間伺其缺  
虎齒齧兩旁羊腸迴九折中流倘失勢過涉慮頂滅篙師數塚痕手足互流血  
非無白日照煦汝乍煖熱造化故無私寧為一夫悅客子衣裘單長途計尤拙  
歲窮迫行役既濟轉愁絕

王家營旅店遲楊次也家東亭不至

已過江淮半月期一行雁羽尚參差勞人相傍貪同伴熟路頻經漸少詩急景  
欲回西日唉輕裝那免北風欺鯉魚信斷河冰合悶極寒燈照影時

紅花埠遇雪

記得芳時幾度經自此至郟城五十里間桃花最盛衝寒明發又郟城橋邊雪



意詩催就鬚上冰花氣結成埃館迎來風北向鄉程讓與雁南征敝裘或有天  
憐分只費殘冬半月晴

雪後蒙陰道中

日出天忽高山寒雲不附峯峯帶晴雪遠近畢呈露馬蹄碎瓊田蛇尾曳絲路  
草枯燒不盡白者疑伏兔饑鷹下攫之注目始知誤糾然螻身上却立槎枒樹  
樹更僵於人咆哮風正怒何處問旗亭衝寒背城去

張夏旅壁見德尹墮車傷指絕句戲次原韻三首

役車歲晚幾曾休斗酒何時與婦謀此意自憐還念汝一燈今夜白人頭  
一唉驅馳老未休墮鞍如與少陵謀回思下澤車中客不爲封侯合轉頭  
安穩生涯一醉休天全畢竟勝人謀人間險語何須鬪不說矛頭卽劍頭

趙北口夾堤柳陰最密不知何故忽被斫伐存者惟枯樁而已感歎成  
詩命兒建同作

五度征鞍柳拂絲重來禿榦已無枝摩挲老眼還三數看汝成陰又幾時

白溝旅店見甲戌冬杪題壁詩談是山繼和一首再次前韻兼寄未庵  
帽裏驚沙鬢點霜三年前記卸行裝天寒倍覺暮程遠酒薄不禁冬夜長吳語  
同來還有伴燕歌相和若無旁詩成爲報君兄弟飛夢三更已帝鄉

敬業堂詩集卷二十二

敬業堂詩集卷二十三目錄

得樹樓集

人日同孫松坪張漢瞻楊晚研宮友鹿錢亮功方拱樞吳元朗蔣楊孫家

德尹集王赤抒邱舍分賦上元燈八首

二月杪南歸涿州道中遇雪十八韻

連日車行泥淖中朝來僱短驢自固城至安肅縣凡兩墮鞍卽事有感

保定旅次閱邸抄得從弟東亭及兒建南宮捷音口占志喜兼寄嘲老友

姜西溟

渡三汊河聞前路泥乾喜而有作

晚抵安平縣

大風過深州城外

曉渡衡水橋風色甚寒小飲市樓 聚強道中喜晴

客有稱高唐州爲綿駒里者戲成絕句

大道曲

穀城山

清明後一日同戴田有弟東亭兒克建重遊濟寧南池

黃河打魚詞

大風過黃河舟中與長源姪對局

過揚州示崔性甫楊曉先兩同年

閏三月朔日蝕舟中遇雨紀事

初到家戲謝戚黨之見賀者

兒建赴殿試北上詩以示之

得樹樓初成以詩落之九首

樓上看雨

題周兼畫南唐小周后真六首

晚景

次韻答顧搢玉

雨夜過徐淮江二首

八月十六日同鄭春薦嚴定隅吳紫葢家潤木湖頭小飲風雨大作泊舟

湧金門外是蚤襪被而出晚來興盡入城戲作一律邀諸子並和

種菜四章

九日獨行園池上看木芙蓉

友人齋中看菊

喜又微姪自南昌歸

傷庭前牡丹四首

觀刈早稻有感

偕介菴叔訪菊步入隣僧融然房

家釀新成獨酌至醉

秋感六首

送學菴弟入都

送陳實齋給諫服闋還朝兼呈大司農澤州陳公時吾邑賦役不均頗望  
當事者留意也  
介菴叔惠菊花

次兒武原歸舟又得菊數種  
有攜折足几來售者以百錢買之

園中西府海棠秋盡忽發花  
客來

再偕介菴叔過村西僧舍看菊  
冬曉語溪舟中

陳傅巖給諫以種園圖索題二首  
虞山張文貽乞節母于太君七十壽

詩  
歲寒雜感十首

聞李辰山藏書多歸竹垞

近遊集

戊寅元旦  
盛宜山新築瓣香菴於南湖之上雪

中過之索詩賦贈二首  
雨中同朱十表兄過宿徐淮江聽鶯

齋  
穀日至當湖沈南疑招同孫嘯夫過

陸瞻成耕廬探梅分韻得豐字  
大風渡前山漾

重至湖州戲簡許舜功張桐軒兩學博

座主清溪徐公招同楊玉符編修談未菴文選泛舟碧浪湖

雨中游飛英寺次東坡稀字韻  
春分前一日余征吉學博招集杏花

下  
登道場山次東坡先生舊韻

二月十六夜自長水塘乘月放舟二鼓抵嘉興城下

同竹垞表兄飲譚護城給諫南樓看海棠

寒食鍾復周秀才家看海棠和鍾飛濤

清明日南湖泛舟  
曾道扶學憲惠蜀中藥材

上巳雨中同竹垞及兒建再赴淮江招

題沈南疑林屋山居圖卷子二首  
自入春來往返嘉興湖州兩郡凡六

十餘日穀雨後還家花事盡矣  
題又微姪載花圖小影

再題種菜圖二首  
題族孫恆弘看舞圖

敬業堂詩集卷二十三目錄



敬業堂詩集卷二十三

海寧 查慎行 悔餘

得樹樓集

起丁丑正月  
盡十二月

吾家自喪亂後僅存橫溪老屋與兩弟同居余所棲在西北隅年深瓦落  
不足以庇風雨丁丑春大兒倖舉南宮挈之還家爰即舊址改築小樓樓  
成而老木數十章皆在几榻間因取少陵詩意顏曰得樹

人日同孫松坪張漢瞻楊晚研宮友鹿錢亮功方拱樞吳元朗蔣楊孫  
家德尹集王赤杼邸舍分賦上元燈八首

四垂羅帶影飄飄一綫中懸愛細腰莫傍市門輕銜影有人依樣要偷描

瓶口紅光忽吐蛻醉人相對舌如箕却因酒具各相似記起花時鳥勸提

右葫  
蘆燈

偃僂聊為秉燭遊似曾閱世笑蟬蛸朱門光景番番換幾輩相看到白頭  
故紙形容大可憐敢同南極指星躔誇人只有香山老張文前頭炫少年

右老  
人燈

鱗鬣粧成畫不如竿頭擎出晚晴初九衢塵淨月如水一隊人隨一隊魚

星橋鎖動沸波濤人海中間湧巨鰲多少書蟬曾飽死讓他枵腹事焚膏

右魚燈

一幅輕紗隔座深芸牕小立夜沈沈不爭六曲屏山好虛費人間屈戍金

三尺孤光一片冰當筵珠翠照何曾眼昏已少看花分更隔看花霧一層

右屏風燈

二月杪南歸涿州道中遇雪十八韻

頗訝今年雪方知此地寒春深猶漠漠野闊更漫漫咳吐紛珠玉飛揚富羽翰  
近從烟際辨遠入霧中看鴻爪輕留跡楊花滾作團風輪旋蟻磨車轍轉蜩丸  
銀海光相耀瓊田暖未殘密防蟲戶啓細補鵲巢完淺草勾尖沒枯株萬木攢  
千家如畫裏雙塔指城端石滑經橋怯沙平取徑難幾曾填窞井特爲顯峯巒  
席帽融冰濕征衣燎火單茅茨雖易壓穴隙莫相鑽對爾吟慚郢催余鬢比潘  
勿愁燈焰短直愛酒升寬朔候何當變泥塗不肯乾明朝有奇計酪酏上歸鞍  
連日車行泥淖中朝來僱短驢自固城至安肅縣凡兩墮鞍卽事有感  
雪消春水發古道窪然低客行忽落此局促如雞栖兩車同隻輪六馬併一蹄  
力盡甫脫險阨深復無蹊長恐雪繼作有淞雲萋萋晨興天色佳日脚垂虹蜺

跨驢橫短策快比駿馱馱西南見郎山刻露出角圭寧知一往氣世路偏多迷  
蹶跌豈及防康莊有排擠前行苟無失遲速理亦齊還來車上坐且免衣沾泥  
保定旅次閱邸抄得從弟東亭及兒建南宮捷音口占志喜兼寄嘲老  
友姜西溟

邸報傳來樂事重一尊相屬慰浮蹤青春三月客懷好白髮半頭歸與濃子弟  
聯翩同榜羨家門成就老夫慵探花却入少年隊試問髯姜可勝儂

時姜亦成進士

渡三汊河聞前路泥乾喜而有作

三汊河畔水濺濺洗盡春泥上渡船從此騎驢似騎鶴折條垂柳當歸鞭

晚抵安平縣

野曠天高落日紅近城烟氣忽如籠楊椿綠上鴉棲處草意青回馬跡中昔夢  
尙驚泥滑滑歸心還怕雨濛濛衰遲自分邀天幸坎陷迴車路未窮

大風過深州城外

驚沙袞袞日黃黃不料東風爾許狂茅屋捲空留破柱酒旗吹折剩萸楊幾家

賣餅枯壕畔一老扶犁大道旁爲話連年秋潦苦出車畿甸正輸糧

曉渡衡水橋風色甚寒小飲市樓

石古橋滑臨奔湍衡漳流濁同桑乾高樓下瞰岸千尺美酒大書旗一竿帽絮  
蒙頭欲敗意魚羹入饌聊加餐杏花全未有開信知是北來風色寒

棗強道中喜晴

斷雲開四望初日解重陰野氣浮天動烟光薄樹深疲牛尋故跡老馬得歸心  
題徧旗亭壁何人識苦吟

客有稱高唐州爲繇駒里者戲成絕句

野語齊東最易訛繇駒遺俗近如何自從一變崑山調不是吳兒不善歌

大道曲

荒鷄聲遲月落早行人出門看參昴一條大道飛古塵歲歲何曾長春草我欲  
疊作山羊腸九折爭躋攀我思鑿成水泐人出沒波濤裏直教馬無四足車輪  
方此路始應春草長

穀城山

東阿城東穀城趾傳是仙家舊鄉里圮橋老叟果何人能致留侯跪進履兵書一卷既不傳事往無徵正在此秦皇凶暴蔑賢聖偶語詩書皆棄市布衣起自泗上亭搜溺儒冠固其理此非可以正道說詭託陰符自茲始竟參帷幄佐奇謀躡足時時還附耳大蛇中斷羣雄滅走狗旋烹舊臣死舞陽活自女嬃偷蕭相生遭獄吏恥子房遠禍蓋有道直視侯封同敝屣神仙之說誠渺茫有托而逃斯隱矣陋儒讀書寡深識異事人人徵太史後來競指黃石公當日原無赤松子我爲此語豈好奇石若有知呼可起

清明後一日同戴田有弟東亭兒克建重游濟寧南池

露氣霞光水洗鮮孤城深入鏡中天杏花風暖高樓笛柳色烟濃隔浦船蠟屐半生凡幾兩青袍一夢忽三年壯心敢擬桓宣武直爲攀條也自憐

黃河打魚詞

桃花春漲衝新渠船船滿載黃河魚大魚恃強猶掉尾小魚力薄唯噉水魚多

價賤不論斤率以千頭換斗米河壩大潦秋不登今年兩稅姑停徵但願田荒  
免逋賦與官改籍充漁戶

大風渡黃河舟中與長源姪對局

柳絮春狂翦渡風片帆飛下急流中船頭已達長淮岸一局殘棋劫未終

過揚州示崔性甫楊曉先兩同年

不到紅橋已八年有人柳下記停船楊郎落第崔郎病縱使同遊越可憐

閏三月朔日蝕舟中遇雨紀事

丁丑閏三月日食法當既明星晝當見從卯當至未白晝如昏黃果然伊可畏  
舟行拚偃臥閉目聊自慰何來打篷聲雨點驟如沸皇天闕垂象下土雲翳黓  
似欲弭此災而爲不祥諱我聞日當食不食乃足貴豈有晦昧晨又蒙霾霧氣  
將毋陰太盛推驗得髣髴六師方犁庭櫓槍掃敵愾佇清沙漠塵聲教朔南暨  
公卿滿臺閣賀表辭不費五事占休徵竊疑非此謂天變雖偶然民勞亦宜墜  
野人語無擇托興在蔚蒼蔚不敢學盧仝險艱殊少味



初到家戲謝戚黨之見賀者

趁伴攜兒出帝畿到家猶及換春衣遠煩親友來相賀不道余仍下第歸

兒建赴殿試北上詩以示之

今年夏苦旱六月未徂暑兒子將北行衝炎逐徒旅留之又不可遣去無多語  
汝名已倖成汝力正須努

天子方右文策名在當宁萬言應廷對有抱期畢吐煌煌鐘虛懸叩擊諧律呂  
自從制科設得士凡幾許置汝于其間太倉特一黍然而勿自薄儕輩盡翹楚

同年百五十若者指可數父事中有入

姜西溟吾癸酉同榜嚴寶仍吾同學老友也

雁行敢兄序功

名亦時至非可有意取造物吝虛名齒角肯兼子吾宗兩太史

荊州兒聲山姪

並獲搏

風羽盛事傳一時借居隣韋杜雖云官禁近未免索米苦汝今往慙依慎勿希

華廡秋深決歸計且復返鄉土久甘南巷貧差勝北門窶千薪尙壅積銓注十

纔五從政雖多途不如科目舉讀書想先輩既進或慚沮豈必一第邀便思行

縮組閉門更力學合轍驗今古却出作選人於世冀小補而翁百念灰自審莫

若處諄諄向臨發庭誥述父祖吾但當弄孫門戶全付汝

得樹樓初成以詩落之九首

百年計樹人十年計樹木辛勤荷先澤以有此老屋兵火乃幸存曩基方改築  
勞生竟何得去此空馳逐誓收湖海蹤歸掃一庭綠樓成名得樹外是非吾欲  
五架初度材謂在百金內銖銖累木石所費奚啻倍貧家舉事難輕發每追悔  
連朝責逋負工藝集羣喙將爲逃債臺一笑付龔隤

列垣周四隅與樓勢迴環憑高無遠矚胡以開心顏竅壁延綠陰少見天疑慳  
別添一小閣忽湧海外山豁然百里目乃在圭竇間

貞白居三層元龍臥百尺神仙彼可致豪氣我非昔方當狎斯人未許校什伯  
敢云去地遠稍與雞豚隔尙恐鳥雀羣移巢避生客

一榻雖已安終慚自爲計心長髮苦短力不及諸弟前人締造艱親歷始知勤  
撫茲念堂構補葺當次第身在吾敢辭茫茫配根蒂

用少陵四  
松詩中語

設梯盡十級僂僂連雕尻日上能千回兒孫捷飛猱阿翁貪靜坐嗔嚇時一遭

形神既未忘那免陟降勞習勞亦不憚所戒舉趾高

卑濕苦舊樓老根連草蔓新來稍軒敞恰直樹之半雖除螻蟻緣却被蜩螗亂  
朝眠與晝坐鳴聒傍几案推牕驚不去疎響或一斷喧寂兩聽之老夫化成見  
夕陽轉庭西樹影來牆東龍蛇動戶牖始知天有風開襟亟當之快若逃虛空  
人間正炎熱置我微涼中

竹垞工八分大字作擘窠爲余題歲月惜墨不費磨懸之樓中央筆勢翻江河  
疑挾風雨至颯然散高柯時時臥其下所得良已多

樓上看雨

臥聞牀下殷輕雷起拓南窗八扇開牆缺雲流山影去樹頭風截雨聲來一鳩  
逐婦移陰立雙燕將雛取勢回我本無田還望歲略分餘潤到蒼苔

題周兼畫南唐小周后真六首

人間姊妹工相妬遺恨茫茫豈有涯  
怱悵瑤光梅信晚一枝潛進未開花  
湘裙如水不擡風鳳唳攜來倒挂紅  
色色丹青無著處泥金一縷在雙弓

月暗花明霧氣多，盈盈羅襪步凌波。外間誰管深宮事，偷唱新聲子夜歌。不須更減一分肌，周昉絲來善貌肥。如此丰姿如此畫，當初猶道未勝衣。

開寶初元議禮遲，待年承寵已多時。在廷只有韓熙載，曾托元和諷諭詩。

垂鬟分絡髮初長，想是南朝時世粧。指與俗工從未識，可憐絕筆付周郎。

時兼惜已

世下

### 晚景

晚景蟲聲入空庭，易夕陽鵲巢風更穩。鶴骨露初涼，病葉非關蝨。秋花不取香，物情閒處得吾轉。惜流光。

### 次韻答顧搢玉

失學負壯年，東西逐烏兔。蹉跎髮漸絲，落拓衣仍布。希心躡前踵，回首却故步。歌筵混屠沽，唱酬雜緇素。歸來稍稍悔，事去種種悟。庶望針砭加，奚啻雪霜雨。  
去聲雖蒙同人憐，或恐異己妬。之子負高才，於余枉佳句。紛然蓬麻中，直拔千尺樹。温恭具真性，磊砢得奇趣。何期天畔鴻，狎此沙頭鷺。知音世不遭，敢惜肝膽

露鷄鳴風雨晦旅館燈燭暮明朝走相尋戶外有二屨由來意氣合詎若邂逅  
遇君家門地高舊是雲間顧昂藏自殊衆標榜不在互問途慚已經吾老乃迷  
路

雨夜過徐淮江二首

萍浮梗泛久西東每過南湖憶此翁斷港船通新漲水空庭樹拔去年風五經  
自課佳兒讀半刺曾嫌俗客通好是扣門能不拒一燈重對雨聲中

草堂南畔小池幽一片蘆聲蓼穗秋滿壁詩牋存歿泪積年書疏往來郵閱追  
昨夢驚彈指老剩貧交幸到頭未免對君還自媿桑榆晚景亟宜收

八月十六日同鄭春薦嚴定隅吳紫葢家潤木湖頭小飲風雨大作泊  
舟湧金門外是蚤襪被而出晚來興盡入城戲作一律邀諸子並和

及到繁華地翻成寂寞游烟波三百頃風雨一孤舟山好偏宜澹湖空易作  
秋却防漁父笑襪被不曾留

種菜四章

晚豆尙沿籬秋瓜已除架畦丁惜地利菜子及時下功力積纖毫滋培仰造化  
勾萌達新雨布綠密無罅一旬可分時半畝不待借

用東坡事

既足散其餘猶能乞

音隣舍

灌溉既已勤其長亦奮迅窠窠盡發洩生意不少吝連朝風日晴秋蟻忽成陣  
洒灰得方法經驗始深信幸是力能施何難手除痰黍苗被蟲食四野年不順  
老圃奪天工忍饑聊免饑

晚菘雖弱植不怕霜雪加秋種春可蒔盤餐佐貧家根株諒無幾口腹豈有涯  
人間賣菜傭求益方紛拏禦冬吾有計旨蓄良足誇

杜陵客西川種藝頗有園清晨送菜把乃感地主恩茲事吾不取恐爲貪夫援  
於世苟無求食力稍自尊英雄亦如此無事且閉門

九日獨行園池上看木芙蓉

雨後罷登高杖藜惜腰脚園荒少秋菊無以慰寂寞兩株木芙蓉紅白正聯萼  
忽然失明鏡萍漲水將涸坐使雙嬋娟影妍無處著空持好顏色脈脈自開落



應得主人憐新晴走赴約吾衰減情累於物何厚薄不忍廢重陽逢花還命酌  
友人齋中看菊

幽人如晚卉愛傍籬邊遊瓦盆薦茅齋高下凡千頭紅紫豈不好黃花乃吾秋  
森然羣豔中正色與目謀競賞違衆嗜獨吟發孤愁泉明不可作孰與偕唱詠  
喜又微姪自南昌歸

共客洪州幕回頭十五年未成宗炳臥各有尙平牽身健貧何礙吟深句必傳  
故鄉稀酒伴日日望歸船

傷庭前牡丹四首

別樣風光散綺羅豪家亭榭占春多天公直似相欺得不爲茅齋剩一窠  
兩行枯卉列東西綠上苔痕路不迷夜月魂歸吾望汝半年猶護種花泥  
自知未到忘情處幾度徘徊惜好枝不獨我憐人亦爾空欄客過立移時  
依稀一夢闌繁華草沒庭荒野老家省却暮年多少事灰心從此不栽花

觀刈早稻有感

襪襖相逢半壓肩刈禾爭趁老晴天  
兼葭對岸遮隣屋蚱蜢如風過別田地瘠  
不知豐歲樂民勞尤望長官賢誰知疾苦無人問  
秋稅新增戶口錢吾邑戶籍十萬每丁

歲輸力役之征今年忽從田賦加派數百年舊制壞矣

偕介菴叔訪菊步入鄰僧融然房

偶聽村家打稻聲夕陽影裏向西行  
一叢深樹擁精舍兩板壞橋支斷浜靜對  
老僧通菊氣怕逢俗客問花名只將我算東籬伴  
不要溪頭費送迎

家釀新成獨酌至醉

種秫始微收釀法遵舊譜逡巡埃其熟計日屈指數  
朝來香滿城甘滑如潑乳開嘗親洗盞一飲一升許  
好客期不來頽然自稱主黃農忽已遠薄俗難久處  
寧知醉鄉中風氣仍太古尊前可徑造有路胡勿取

秋感六首

蟋蟀鳴近牀蝸蟬闋無聲二蟲相代禪中已寒暑更大哉  
造化理乃以微物呈人從此中老擾擾何多營天機昧羣動  
靜者觀我生

末俗愛盆山花草妃紅白看看耳目玩屈辱到松柏可憐千丈材窘束不盈尺  
寓形難自主抱性終莫易亦復耐歲寒蒼然傍几席對之還失咲未覺生意窄  
向非冰雪姿雨露有天折

菊蕊日以黃楓葉日以紅物情判老穉變態隨霜風霜風故無私榮悴兩不同  
一般賞顏色矇叟隨盲童

西隣一老樹有藤縈繞之歲久腹漸空槎枒但枯枝借藤以爲葉下蔭仍紛披  
藤如有矜色張王去聲方乘時爨薪伐不材斤斧旦夕施樹摧藤亦斷附麗終奚

爲

世衰分誼薄適用取目前紈扇遇秋風一度一棄捐不念昔當暑與人久周旋  
我有敝羊裘隨身二十年皮存毛半附無補冬號寒明年與汝期五月拂釣竿  
渡淮橘成枳一變性終失不聞返故土枳又化爲橘人生百年中孰是保初質  
就衰水赴壑駐景戈挽日幾見白頭翁鬢霜復如漆

送學菴弟入都

黃葉打茅簷北風如矢棘此時來叩戶問子有底急為言將別家結束赴京國  
 可無酒一杯為子煖行色匆匆乃徑去有語惜不得子誠吾家駒頭角早岐嶷  
 賦質負高明秉心就沈默讀書十行下洞照窮樞闕經史及百家貫穿歸組織  
 時文雖小試落筆輒英特皇天不憐才盛壯遭屈抑十年躡場屋知者為太息  
 昨遇曲阜公青雲加賞識拔之冠多士庶用示矜式虛名萬口傳子故深自匿  
 窮鄉渺生趣巷遇歌偈仄堂上有老親鬢絲白變黑鑿坏豈得已彼屺傷遠陟  
 幸托賢主人時與陳寶齋黃門同行解推濟其嗇男兒志未遂放轍無南北不聞橫海鱣  
 蟠尾肯溝洫余方踏歸路投老尙迷惑子真賢友生東坡詩豈徒為我第要是賢友生朝夕宜  
 在側奈何不能留又復奪有力江河歲月晚追逐乏羽翼道逢南來鴻寄書慰  
 相憶

向非水送陳寶齋給諫服闋還朝兼呈大司農澤州陳公時吾邑賦役不均頗  
 望當事者留意也

三年簪筆作名臣四紀還家為老親實齋前以終養乞歸仕路卷舒雖在我田間屬望更

何人朝無遺闕書應少邑有更張見頗真爲語司徒仍舊制也教游惰識公旬  
介菴叔惠菊花

宗老移花到家童掃地迎澆深經夏早開晚及秋晴酒復何人送詩從卽事成  
濁醪留一醉珍重見君情

次兒武原歸舟又得菊數種

道遠宜兼土船輕不費擔好花來一一荒徑闢三三萬事同兒戲餘香借客談  
瓦盆非俗物多取未爲貪

有攜折足几來售者以百錢買之

折足用不適傾囊計亦疎聊將安破硯或可配殘書棄置終憐汝枝梧頗累余  
難憑非一几舊友比何如

宋人詩舊友誰如几可憑

園中西府海棠秋盡忽發花

萬木正搖落一枝春忽回縱饒花意好不稱此時開草本名相托霜風豔恐摧  
天寒憐袖薄爲爾一低徊

客來

與世了無競并教棋局閒客來無一事籬下看南山

再偕介菴叔過村西僧舍看菊

憶昨披榛入經旬踏葉來秋花偏耐久各種或遲開天意晴連月自重九後不雨人生

夢幾回屢遊貪佛日原不為啣杯

冬曉語溪舟中

江鄉已牢落冬候更蕭條風葉鳴孤樹霜溪影一橋沿塘收蟹斷遠市插魚標

雀鼠何多耗年荒爾獨驕

陳傅巖給諫以種園圖索題二首

身在元龍百尺樓菴居那便署休休慣聽絲竹知魚樂別築陂塘領鶴遊僮約

屢申松菊徑水租新報芰荷洲黃橙綠橘皆垂實歲計如農亦有秋

鴨舍鵝欄

閩門內橋名見吳郡志

地接聯鄰翁指點舊平泉

園為申文定公別業

橋通別業仍三徑

樹到成陰已百年碁局且從閒處布畫圖留與後來傳看君用意真幽絕要使



詩家賦輞川

虞山張文貽乞節母于太君七十壽詩

妻無夫兒無父襁褓伶仃半生苦兒無父母有兒白頭綽楔光門楣人言張子  
孝我謂子孝由母慈人言張母賢我謂母賢非子世不知不見吾家節母苦節  
與張比旌典不加坐無子今年生亦七十矣

家叔母葛太君十九稱未亡人去年六十九苦節而歿

歲寒雜感十首

斗室寬然著老夫欠伸纔罷又跣趺書能引睡聊遮眼吟不求工似惜鬚古佛  
可燒同槽拙濁醪得煖勝醍醐自從悟徹安心法儒墨同歸識一塗

萬里從戎記黑頭不成一事老林丘稍收芋栗宜充腹不犯冰霜可廢裘橘柚  
洲前非楚澤鶴鴿沙外是涼州最憐跋扈飛揚氣歲晚因人尙遠游

聞德尹於十一月赴

蘭州幕府

文章鐘鼓付盲聾都入閑吟靜嘯中敗竹行疎猶響雪枯桑葉盡自鳴風物情  
豹隱龍蛇蟄歲事星回日月窮不信鄒生居黍谷能吹煖律挽天工

小閣簾開取向東，寒天強半是西風。資餅減水朝防凍，布被加絲夜代烘。袖手

輸贏迷黑白，轉頭兒女換青紅。自知於世全無用，新署頭銜號長翁。宋陳造云物之無用

者為長故自號江湖長翁

力田制策已殊科，忽枉瑤箋到薜蘿。得路君言猶若此，窮愁我況更如何。同年顧書

宣見寄詩有病中趨死易貧裏養生難之句行藏委運談何易，人鬼論交意太苛。虞山錢玉友寄詩有窮通判人鬼隔

絕如陰傳語兩家多憤激，向來結習費消磨。

鑿開渾沌本無情，萬竅從教怒不平。巧竿誰能推雪片，頑空何自起風聲。陰陽

橐籥機相引，水火丹爐勢必爭。真宰茫茫竟誰是，難憑齊物詰莊生。

偷存子敬舊寒氈，與汝相依已有年。向老情懷偏戀舊，過時顏色敢爭妍。嬾魚

冰底頭頭伏凍雀，枝間箇箇拳便學。蟄蟲吾亦得屈伸，何事乃關天。

無聊且作杜門人，肯逐鄉風鬥比隣。俗儉稱家刪饋歲，年衰無伴看迎春。生涯

豈可謀妻子，鄙事何煩瀆鬼神。但使黃金同土價，齊奴巴婦一時貧。

誰將正變溯源流，今古何殊貉一丘。稊米太倉雖見錄，遺珠滄海詎勝收。斑窺

半豹難爲管腋萃千狐始是裘好與風騷搜累代他時文選續名樓

竹垞先生書來相約

同選宋元明詩

剝啄聲中歲徧除督催詩債甚追呼不徇俗好頭今白自去名心膽更拗耐冷且來尋筆研消閑差覺勝携菹此中甘苦何人識豈獨雕蟲悔壯夫

聞李辰山藏書多歸竹垞

嘆息詩人失李頎柘湖回首舊遊非自憐老友今無幾且喜藏書得所歸萬卷又增三篋富千金直化兩蚨飛平生謬託知交在悔不從渠借一瓶

近遊集

起戊寅正月至三月

東廣微志狹九州爰作近遊之賦跡不越井里田園事不離衣裳男女近則近矣於遊之義奚取乎余自己未至今南北往還約計七萬里將收遊蹤自遠而近茲集所以志也

戊寅元旦

屋頭初日靄春暉梅蕊看成豆粒肥扣齒焚香吾起早敲門投刺客來稀舊梳

白髮新逾短貧煉初心老肯違苦覺鶴山聞道晚方知四十八年非

魏了翁詩四十八年

成一非

盛宜山新築瓣香菴於南湖之上雪中過之索詩賦贈二首

三十年前舊酒徒天教晚節占南湖不辭太守分清俸便有游人指畫圖水鳥雲帆爭出沒風簾雨檻對虛無繞籬尙少成陰樹先種芭蕉一兩株  
半間小閣一枝藤餘事行看次第增野色憑闌牕面面遠煙浮樹塔層層不知雪裏參禪坐何似花時挾妓登畢竟前言吾是戲近來詩派併傳僧

雨中同朱十表兄過宿徐淮江聽鶯齋

去城日已夕曲折尋枉渚水涸舟屢膠用篙迺舍櫓兩人苦兀坐拄杖入村隲稍稍深竹間疎燈翳復吐此來占不速况復往遇雨犬吠僮僕嗔開門揖賢主  
爇薪燎我衣敲冰轆汝釜明朝迫人日節物良有取翦韭佐春盤嘉肴竟踰五  
新年困酒食愛逐清談侶一醉不得辭重君風義古

穀日至當湖沈南疑招同孫嘯夫過陸瞻成耕廬探梅分韻得豐字

殘冰消盡水光中短棹移灣港汊通小圃花經人日雨先一夕微雨故人酒敵石尤

風溪山興發長先到肴核年荒勿太豐醉墨欹斜吾自笑草書未暇為匆匆是夕

瞻成索書楹帖凡三易紙乃成故云

### 大風渡前山漾

川光蕩我前一碧開玻璃岸闊山斷續船輕浪參差但聞捍索鳴心與閒雲馳  
萬木盡却走孤帆正窮追道場屹不動白塔如卓錫平生汗漫遊老嬾意漸墮  
結念在茗馨泛宅方自茲

### 重至湖州戲簡許舜功張桐軒兩學博

偶然乘興到西吳社日還尋舊飲徒不用談諧歸割肉上丁纔過定膳吾

### 座主清溪徐公招同楊玉符編修談未菴文選泛舟碧浪湖

蒲柳城南水一方三年重此泊吳航閒陪白社青門客愛入銀鷗雪鷺鄉帳下  
諸生看漸老甕頭吏部最能狂烏巾美酒東風汎并作澄湖匹練光

### 兩中游飛英寺次東坡稀字韻

春陰覆城堞花淺游人稀愛此北郭幽晨征夕忘歸盤旋上翠堵恣眼窮清暉  
東風拂面寒細雨濕我衣客來僧啓鑰客去僧掩扉跡在有迎送心空無是非  
蘇詩  
春分前一日余征吉學博招集杏花下

落盡苔枝春欲分杏花庭院又斜曛得錢沽酒卽相覓誰似能詩鄭廣文

登道場山次東坡先生舊韻

船迴浦漱淺徑轉村隴小不覺坡陀高騰身萬松杪菰城陷井底白塔巒雲表  
浮氣盪一州湖波白渺渺天長接遙翠目極青未了漸上伏虎關羣峯忽環繞  
清颼蓄戶牖古殿深且窈脈絡引檻泉淙泓匯池沼長廊百餘步旁入逾幽悄  
蒼鼠竄別枝投空攫啼鳥巋然翠微閣中敞外見少野火不到山蒼蔚復誰燎  
坐令杉桂材蒙茸委蓬蓼飛蟲晝轟聚高蔓晴天矯老僧守空庖恐作山中殍  
軍持乞米出厭寂喜膠擾我來久徘徊愛此吟風篠春深花淡淡日暮雲嬈嬈  
餘暉帶疎鐘詩境隋空杳古今一大夢回首隔昏曉

二月十六夜自長水塘乘月放舟三鼓抵嘉興城下



兩岸朧朧桃李花一天風露屬漁家小船臥聽權歌去行到鴛湖月未斜

同竹垞表兄飲譚護城給諫南樓看海棠

我愛城南給事宅海棠兩樹紅交加牆頭過酒便留客樓上點燈兼照花濯枝偏宜的樂雨倦眼似隔朦朧紗徑須時赴二老約爛醉不問東西家

寒食鍾復周秀才家看海棠和鍾飛濤

一樹萬花稠花光盡入樓偶逢寒食賞偏憶少年游照座驚紅豔傷春到白頭苦憐風雨惡燒燭爲君留

清明日南湖泛舟

積雨初霽交清明桃花杏花飄滿城城南水色綠於酒鵝鴨一灘春草生

曾道扶學憲惠蜀中藥材

吾比多幽憂早衰坐善病豈無三年艾真贗苦難證炮灸投成方庸醫執其柄邇來讀本草稍稍諳藥性蜀山美產多州邑若畫境靈苗倘易地厥品變邪正時俗但徇名采真復誰更先生校蜀士甲乙手親評開籠貯參苓拔茅羣有慶

餘材搜草木良楛別明鏡萬里宦游裝錐刀肯相競大江五六月風壯波濤威  
百束壓歸艎蛟龍不敢橫分張荷見及行篋忽輝映從來苦口利義比良友諍  
若待倉猝求誰爲緩急應於公感深意臭味殊可敬

上巳雨中同竹垞及兒建再赴淮江招

三月三日東風寒徐尙書家春未殘半篙新水淥忍唾兩樹碧桃紅耐看蛙黽  
幸未聒人耳蛤蜊大可充君盤一番相過一冒雨咲口欲開爾許難

題沈南疑林屋山居圖卷子二首

莫釐峯下是查灣及記扁舟壓雪還一事至今留缺陷不曾西到石公山  
浮家泛宅事良難縮綬行將赴一官縱使買山爭得住故應寫作畫圖看

自入春來往返嘉興湖州兩郡凡六十餘日穀雨後還家花事盡矣  
累月扁舟碧水潯歸來三徑已春深樓頭一帶槎牙樹多爲黃鸝換綠陰

題又微姪載花圖小影

落魄江湖不計年風流別是一生緣桃根桃葉無顏色迴避儂家載酒船

再題種菜圖二首

還君一首遂初賦和我三章學圃詩  
彈鋏思魚原失策封侯食肉更何時  
黃蠶百蠶亦前因腰腹如渠那稱貧也  
與萬羊同一飽算來原自可驕人

題族孫恆弘看舞圖

可是相逢游冶場由來壯士愛紅粧  
試他舞袖長多少虹暈輕巾是電光

敬業堂詩集卷二十三



敬業堂詩集卷二十四目錄

賓雲集

初發江干

自漁浦挂席至富陽聯句

又聯句一首

和竹垞兩泊桐廬限腹字

和竹垞七里瀨限脚韻

瀧中吟

晚次汝步乘月抵蘭谿城下

兩發東峯亭

水碓聯句四十韻

和竹翁衢州城下作

篁步

常山山行

和竹垞沙谿舖

龔家渡夏文愍公墓道作

自焦石塘抵鉛山河口兩岸石山瘳劣上無寸土草木不生作詩嘲之並

邀竹垞先生同賦以傳好事者 從河口陸行至鉛山縣三十里間山

水清佳老樟古桂不記其數皆千年以外樹也所至輒流連其下自悔

舟中誚頑石之作復賦此詩邀竹垞再和

鉛山城中有古樟三每歲四月白鷺來巢其間伏雛乃去亦一異也

和竹垞雨晴  
紫溪道中二首

度紫谿嶺  
觀造竹紙聯句五十韻

烏石村  
分水關

崇安孔彝仲明府招飲縣齋池上分賦二首

和竹垞幔亭  
冲祐宮

宿虞道士山房  
和竹垞仙蛻巖

虹橋板歌  
和竹垞小九曲石壁是唐許碁題詩

處故名題詩巖  
和竹垞御茶園歌

仙掌峯瀑布  
天遊觀萬峯亭

坐竹籜入九曲聯句  
和竹垞建陽

樟灘  
雨中下黯淡灘

延平晚泊  
水口



小箬驛榕樹

竹崎關

贈汪悔齋方伯

敬業堂詩集卷二十四目錄

和竹坡...

和竹坡...

和竹坡...

和竹坡...

和竹坡...

和竹坡...

和竹坡...

和竹坡...

和竹坡...

和竹坡...

和竹坡...

和竹坡...

和竹坡...

樂業堂詩集卷二十四目錄

敬業堂詩集卷二十四

海寧查 慎行 悔餘

賓雲集 戊寅 四月

春來既以近游名集是夏復偕竹垞先生作閩南之行淵明所謂饑來驅我也往反五閱月共得詩若干首唱酬者居其半釐為三集曰賓雲者紀遊武彝也曰炎天冰雪者取諸噉荔也而以垂橐終焉中間聯句數章竹垞已刻入曝書亭集茲不復刪義取各見存題目也

初發江干

江路羊腸迴江風羊角合

丘長春西遊記風初起如羊角者千百須臾合為一風可證莊子羊角而上語漸近漁浦潭

忽失六和塔

自漁浦挂席至富陽聯句

扁郎唱櫓雨初消

悔餘

突起東風送客艖百里晴山低似屋

竹

一江新水健於潮

舟人謂江暴漲時海潮不得上

得攜老伴無拘束

悔

縱是貧游未寂寥况有月波春甕在

竹隔



歎霧爲飛泉晴光一綫忽射穿兩點白晝打客船船行無風七十里一日看山

枕樓底有風七里無風七十里瀧中口號

晚次汝步乘月抵蘭谿城下

飛盡漁灣白鷺鷺鼠師逆浪上灘遲蘭溪城外數錢女月出未收青酒旗

雨發東峯亭

昨日不料風今朝不料雨生涯味所向智不如商賈聊爲山水遊旅興時一鼓

東峯吾舊識嘉樹紛可數中流乍回頭悵若辭地主三衢渺何處去去信柔櫓

自此西行余遊蹤向所未歷

水碓聯句四十韻

百灘趨漸江昏旦鳴不息竹大波恣奔放小波迴汨御悔居人擅水利審曲引

使直竹其長走蛟蛇其廣納溝減悔遏防激之怒徑隘流轉亟竹夫豈水性然

適來遭勢偪悔于焉扼其吭壘石添檠杙竹椽茅架小屋度地隨偃仄悔斲木

爲巨輪當衝立樞極竹旁安三十輻輻輳斤墨悔龜絲交兩兆驚甲支九肋

竹 括張等虞機旋運就園則悔 江心鏡欲躍海底月半蝕竹 滅頂滔人騰升

壯士踣悔 尻高首或下後湧前忽匿竹 團團牛旋磨匝匝鴉翻鬢悔 棗軸貫中

央有如著在拗竹 循環觸牙動揚者必先抑悔 石白質本頑甘為杵所賊竹 昂

然馬騰槽俛苦鶴啄食悔 碌砢應關板次第符漏刻竹 擣紙十萬牋取禾三百

億悔 糠秕除未盡藤竹需孔棘竹 一為機事牽焉得休汝力悔 先王昔制器取

象配卦德竹 舟楫涉大川耒耜徂畛域悔 養生務佃漁分壤別動植竹 鄰歌答

春相作苦爰稼穡悔 俾習四體勤羣黎無懈忒竹 後世技巧繁淫奇難忖測悔

桔槔轆轤作便利成典式竹 紛紛鑿渾沌一一騁胸臆悔 能令蠢者靈通者忽

以塞竹 卽此水碓論用意略可識悔 居然役造化安坐無忤色竹 乃知天生民

若苗之有騰悔 夜來山雨驟起漲漫澤國竹 沙崩岸漂沈有械施不得悔 物成

久則毀茲理復何惑竹 逸豫安可貪民勞宜率職悔

和竹翁衢州城下作

開府專征地孤城盜賊邊身常當矢石險豈恃山川劉濞何知反睢陽竟得全



白頭遺老在對客話當年

甲寅乙卯之亂武定李文襄公鎮此浙東西數郡獲全

篁步

去衢州二十里地產柑橘

百折金川水東流下石門碓床聲不斷炭塢氣長昏小屋樓欄岸疎籬橘柚村  
荔支方入貢剩爾未移根

### 常山山行

常山小城如破驛細路多嵌彈丸石一乘竹轎役兩夫雜遝前行隨估客憐渠  
雇直止百錢爲我赤脚賴兩肩我今亦復被物役何暇悲人還自憐

### 和竹垞沙谿鋪

山田早插綠秧齊小犢新生未架犁  
闕背村童浮水去牛欄只在岸東西

### 龔家渡夏文愍公墓道作

東市朝衣血西江野哭魂已無鄉社祭猶有墓門存  
亂水荒阡斷悲風宰木昏  
鈐山籍官後得謚卽君恩

自焦石塘抵鉛山河口兩岸石山嶮劣上無寸土草木不生作詩嘲之

並邀竹垞先生同賦以傳好事者

爾雅釋山名類族紛可數土山或戴石石山或戴土草木別有無無者名曰岵  
挾筴事出游舊聞證新覩一山一巨石突兀向江潞若被烈火焚禿鬣了無取  
于獸燖其毛于鳥翦其羽于人爲寡髮渾沌出太古無心腹腎腸無耳目肱股  
大疣齏盜懸醜疾遽篠俯陳根何處托沈泉不得吐正坐山無情遂令旁少輔  
樵人弛負擔匠氏輟斤釜塊然天地間於世爾奚補

從河口陸行至鉛山縣三十里間山水清佳老樟古桂不記其數皆千  
年以外樹也所至輒流連其下自悔舟中誚頑石之作復賦此詩邀竹

垞再和

溪迴峯巒奇雲日互虧蔽兩邊盡古木曲徑入蒼翠行人雜負戴偃憩隨所至  
如開步障陰下可萬間庇想當生材初造物本無意榮枯非分定蒙養在托地  
我昨嘲頑山無端坐好事目前不見睫幾欲一概視向來身未經鹵莽悔輕議  
譬諸規他邦不仁在高位輒云彼無人賢者豈終棄作詩還自哂一解前言戲

鉛山城中有古樟三每歲四月白鷺來巢其間伏雛乃去亦一異也  
怪底空城老樹梢鷺引隊似蘆葦魚蝦飽噉無人問生子看看占鵲巢

和竹垞雨晴

入門兩脚垂出門雲氣遯皇天本無私邂逅適我願

紫溪道中二首

去城漸遠漸青葱晝裏谿橋曲折通無有一村無好樹歇涼人在小亭中  
壘土層層勢就低石田如罽岸如梯清泉盡是秧針水直到山根始作谿

度紫谿嶺

渡橋正亭午白日無匿景微茫紫翠間峭崿西南頂躋攀力已殫仰視猶半嶺  
迴風轉轆轤汲我出深井茅菴冠木末快若衣振領綠樹忽交陰蒼然失人影  
坐來殊氣候濁暑驚清冷匆匆行役心佳處惜俄頃

觀造竹紙聯句五十韻

信州入建州篁竹冗於篠竹居人取作紙用槌不用老悔遑恤簫笛材緣坡一

例倒竹束縛沈清淵殺青特存縞悔五行遞相賊伐性力揉矯竹出諸鼎鑊中

復受杵臼擣悔不辭身糜爛素質終自保竹汲井加汰淘盈箱費旋攪悔層層

細簾揭醖醖活火燻竹舍粗乃得精去濕忽就燥悔擘來風舒舒暴以日杲杲

竹箬籠走南北適用各言好悔緬維邃古初書契始倉皦竹自從史記煩方策

布豐鎬悔中經祖龍燔孰敢撲原燎竹漆簡及韋編殘灰跡同掃悔當時禍得

脫賴爾生不早竹漢代崇師儒家各一經抱悔截緝蒲柳姿刀削詎云巧竹如

何拗物智乃出寺人造悔麻頭魚網布棄物收豈少竹後來逾爭奇新製越意

表悔山苗割藤芟水滋采苔藻竹桑根斧以斯蠶繭機不絞悔澄心光緻緻鏡

面波晶晶竹研宜金粉膏繪作龍鸞爪悔桃花注輕紅松花染深縹竹鴉青蜜

香色一一隨浣澡悔十樣益部箋萬番傳癖稿竹紛然輸館閣遯矣來海島悔

要為日用需若黍稷梁稻竹惜哉俗暴殄塗抹太草草悔俗詩鼃蝮鳴俗書蛇

蚓繞竹俗學調必俳俗文說多勦悔流傳人有集刷印方未了竹積穢堆土苴

餘殃毒梨棗悔或污蝸角涎或供蠹魚飽竹或為肉馬踏或被饑鼠齧悔糊窗

信兒童覆瓿付翁媪竹 遭逢幸不幸所繫豈纖杪悔 平生嗜奇古卷帙事研討

竹 祕笈藉爾抄籙金匪吾寶悔 響榻溯籀斯斷碑拓洪趙竹 提攜白刺史著錄

庶可考悔 由拳法失傳將樂槽苦小竹 楚產肌理疎晉產膚澤槁悔 物情相倍

蕙美惡心洞曉竹 非無雲霞膩愛此霜雪皎悔 小疊熨帖平捆載赴達道竹 預

恐壓歸裝又滋征權擾悔

烏石村

修竹連山萬萬栽斬新換葉碧如苔特留老節非無用歲歲生孫作紙材村家造紙

多取新竹故云

分水關

萬斛松風捲戍樓泉源同在此山頭忽教一塚巖牆劃不許東西更合流

崇安孔彝仲明府招飲縣齋池上分賦二首

南遊吾偶到北海席頻虛未敢輕修刺何當先下車客來童掃徑罷吏抄書  
欲識閒官味君看清獻渠

樹陰齋舫合荷氣板橋灣水檻晴初倚溪門夜不關座中無俗客管內有名山

未到聞君說如遊九曲還彝仲于座上極稱武夷之勝

和竹垞幔亭

幔設曾孫宴歌傳鼓笛聲神仙如可學大抵屬多情

冲祐宮

一溪隨櫂轉天半削兩峯萬年宮在兩峯趾古殿入門三五重長廊白日氣幽  
邃蔭以楓桂樟栴松不知中有路但見列岫四面排高墉不知下有谿但聞噌  
吰鞳鞳相應如鼓鐘神仙高居道士俗三月四月忙於農苦言茶味薄不足充  
上供客來正炎熱亟思澆此枯渴胸頭綱封裏度嶺去上品一呷露無從明朝  
試扣白雲洞洞口老僧逢不逢武夷茶出僧製者其價倍於道院

宿虞道士山房

晚涼新浴罷古觀有餘清一院松篁氣滿窗風雨聲擣盞因藥白暖酒就茶鐺  
預飭齋廚飯山遊望曉晴



和竹垞仙蛻巖

生前不煉紫金丹身後何須白玉棺已向虛巖委枯骨癡兒尙掃漢家壇

虹橋板歌

板爲崇安潘秀才  
在東所贈

潘生贈我虹橋板云此購得從仙山幔亭宴罷橋忽斷此木皮在萬仞之孱顏

蒼鷹健鷲對對巢不得但見成羣接臂叫跳猿猴跚黃冠白足力難致間出贗

者相欺謾有時晦冥晝風雨神物欲降天爲慳前者偶經此巖下巖前白浪吞

船豚忽驚片板半空落有若胎禽墮毳飛輕翾主人大咲童僕喜謂獲至寶非

空還已令巧匠刻爲佩何異袖鞭使物馱妖姦知君好奇特分贈徑尺未許酬

千緩我時聞斯語未敢相譏訕今晨入武夷好事搜險艱生爲指其處乃在一

曲二曲三曲灣初疑棧道上露出船尾彎復如鳥鼠穴竹箭亂插同榛菅神輸

鬼運義奚取徑路斷絕誰躋攀忽憶少年日南走五溪窮百蠻蠻人寄命巖洞

裏多構柴柵臨崢嶸今之所見正此類亦如秦客避亂來其間不然飈輪雲馭

本飛渡豈有剗木留塵寰摩挲重是千歲物肌理駁蝕生香斑攜歸壓書儘有

用何必新奇環詭驚愚頑

和竹垞小九曲石壁是唐許碕題詩處故名題詩巖

附錄碕詩闋苑花前是醉鄉昏翻王

母紫霞觴羣仙拍手嫌輕薄謫向人間作酒狂

石上三生事渺茫題詩重過苾芻房此中大好安茶竈何苦人間作酒狂

和竹垞御茶園歌

宋茶貴建產上者北苑次壑源研膏京挺

南唐貢茶名

製一變爭新鬪異凡幾番白

龍之團青鳳髓輦載入洛重馬奔武夷粟粒芽其初植未繁何人著錄始經進

前有丁謂後熊蕃君謨士人亦為此餘子碌碌安足論宣和以來雖遞驛場未

官設民不煩元人專利及瑣細高興父子希寵恩大德三年歲己亥突於此地

開茶園中連房廊三十舍繚垣南北拓兩門先春次春徧采摘一火二火長温

馨緘題歲額五千餅雞狗竄盡山邊村攜來詐馬筵和入潼酪供鯨吞豈知靈

苗有真味石銚合煮青松根爾來歷年已四百御園久廢名猶存筠籃四月走

商販茶戶幾姓傳兒孫我思鱣魚橘柚任土貢微物亦可充天闈朝廷玉食自

不乏何用置局災黎元追思興也實禍首幸保要領歸九原山靈曷不請於帝  
按女青律管其魂傳語後來者毋以口腹媚至尊

仙掌峯瀑布

接筍仙掌峯入望初聯綿兩崖訝然豁一瀑垂蜿蜒不從仙翁指間出却穿左  
脅下赴六曲為奔川行人衣沾芒屨滑拄杖直上孤雲巔崎嶇丘前石徑轉胡  
麻小澗當橋邊尋源初自稻田發三里五里斷復連淺處生菖蒲深處得種菱  
與蓮千年老蟾蜍爬沙亦頑仙仰天喻其舌噴水一竅清而圓始知山前雷轟  
礫激千丈瀑布水即是山背涓涓泉匏樽便向道人借我嬾欲住清涼天

天遊觀萬峯亭

占地既已高尤難在扼要前臨殊陡絕旁睨轉孤峭羣雄奉一尊奔赴不待召  
來時記目擊歷歷本形肖羊羣呼可起山羊馬首回若掉馬頭象鼻垂彎環象

巖獅頭仰軒眺獅子鼓鐘應考真鼓子龍虎答吟嘯虎龍兜鍪勇士冠兜鍪

峯粧鏡神女照粧鏡臺石筍瘦而長接筍蓮花娟且妙蓮花到亭悉殊狀變幻

非意料初高後反匿曩隱今忽跳投空翻白鴉削背掠蒼鷄烟生松外村竹亞  
崦中廟清溪截羅帶已斷復縈繞澄泓鷗鷺池中有一翁釣流觀飽創獲俯仰  
恣吟剽翻嗟神靈區僻左落遠徼奇峯三十六名可配嵩少奈何杜韓輩足未  
涉閩嶠山靈秘莫宣自古閉窻窳我來及新晴朗日相照耀終疑雲霧窟滃渤  
尚埋竅幸賴此孤亭于焉蹋翫翫重遊果何時臨去屢回眺

坐竹簞入九曲聯句

連峯六六收蒼霾悔 雨餘滑澆碎石街竹 挈我栗杖櫻毛鞵悔 蘭湯渡口上竹

簞竹 篙工初指一曲涯悔 姓名幾輩爭磨崖竹 娉婷玉女峯最佳悔 野花簇髻

松搖釵竹 當年武夷集神媧悔 歌絃鼓板金管齧竹 高張雅奏無淫哇悔 子禽

小蛾定爾儕竹 羣仙一散後會乖悔 黃心老木委蛻蘊竹 爾獨對鏡留形骸悔

千尋鐵障鎔頑錯竹 大藏小藏肩背挨悔 山魃獨脚帝所差竹 洞門石扇呀然

闐悔 壑舟力負何肋勳竹 其中瑰木類積稽悔 又類羽鏃抽鞞竹 水光汎汎

聲潛潛悔 冥冥微徑不可階竹 欲往金井迷鬼艾悔 深潭龍臥波瀾灩竹 誰歟

釣者貪鮪鮭悔 茶園新芽出舊荻竹 僧籃道笈采摘皆悔 可惜不逢紅粉娃竹

題詩古巖平不欤悔 精廬小於負殼蝸悔 豈若大隱屏之厓竹 祠宇百世人模

楷竹 大書照耀銀泥牌悔 學達性天 聖德諧竹 屹然天柱高歲裏悔 勢如拱

揖趨庭堦竹 須臾路迴仙掌排悔 神皋下上車駢輦悔 竹窠桃澗雜樹槐悔 龜

浮獺控形膠臙竹 白雲葦前雙眼揩悔 俯視九曲滌青緇竹 新村村落尤可懷

悔 新苗活水通荆柴竹 穀犬跳聒雞膠啣悔 况無蛇虎獺柔豺竹 何時買地營

茅齋悔 畊糞漁弋與子偕竹

和竹垞建陽

考亭本是黃家墓侍御橋邊宅久空陳跡已消名姓外好詩猶展畫圖中後來

結構原因此佳處溪山遂屬公欲買麻沙村畔屋餘年拚作蠹書蟲唐末侍御史黃子稜

自洛陽寓居建陽東觀山築亭以望其父之墓曰望考亭因以名里朱文公之

父韋齋先生愛建陽山水未及卜居公築考亭以承先志正取黃侍御之意後

樟灘

人專以考亭屬文公侍御之名湮矣人過小橋頻指點全家都在畫圖間侍御詩中句

小縣晨發船建溪展平綠前行三四里跳沫粗如鵝厥名曰樟灘畜害自古酷假令勢下趨直瀉無迴躡石梁伏水底未免防坎毒奈何三折形故作巴字曲湍奔方有激石起陡被束一芥一針投中間不容粟兩旁劇刀劍瘳惡伺失足篙工善駕馭肯與怒機觸馴彼積豕牙服我童牛牯終焉脫於險初若順所欲方悟不擾心可以遠蹶促側聞前灘多怪石難悉錄吾生不有命恐懼隨羸僕

雨中下黯淡灘

未到先愁出險難忽驚片葉落奔湍星流電轉目未瞬一道白光飛過灘

延平晚泊

小雨冥濛劍浦西浮槎壓水女垣低人家多傍翠巖住榕葉滿城山鷓啼

水口

雨餘忽飄雨數點山外更添山幾層六百里灘多過盡也如出峽到夸陵

小箬驛榕樹

古驛千年樹蟠根積水涯細筋堅作骨新葉嫩如花綠處陰三畝枯邊畫一椹



散材真自幸剪伐幾曾加

竹崎關

佛桑花根大吠龍眼枝頭烏鳴漸覺山平水遠郵籤報近榕城

贈汪悔齋方伯

國家有異數畸人出當之巍巍宏博科鷓鳳集一池公來承 主眷初亦由文  
詞繼乃悉公才拔萃超常資我朝拓遐陬南不盡島夷勿輕發介使大體存羈  
縻曠典偶一修擇賢誠足毗公時膺特簡啣 命東南馳粘天駕波濤帖首馴

蛟螭平生抱忠信涉足無嶮巇肅將明明威慎重瞻丰儀必若誕文教要令崇  
先師鰲背屹宮墻作記刊諸碑餘事當潤色問俗陳風詩手持王會圖歸獻白  
玉墀 至尊動顏色前席爲頻移迄今奉使錄燦若星日垂自茲益嚮用歷試  
無不宜試公以吏治出領嵩洛伊政成多異蹟獨創非前規試公以擊斷明決  
仁且慈八閩百萬戶立起殘瘡痍試公以大藩旬宣來保釐民勞旣已暨國計  
終無虧凡此十年中官塗自逶迤旁無汲引力皆受 特達知煌煌名書屏屢

被褻美辭行省尙見屈看人換旌麾賤子田間來於公少恩私側聞道路口籍籍皆如斯當今梁棟材大器非公誰公昔守洛陽舍第久追隨猥蒙齒頰及佳句時或披塔前尺寸地投謁獨怪遲男兒屬有願會合寧無期攜我作遠遊竹垞真好奇武夷昔未到昨始慰所思此來復識公又得啖荔支何期寂寞遊三樂併一時篇終述己意公幸勿見嗤

敬業堂詩集卷二十四

謝玉璫

謝玉璫

謝玉璫

謝玉璫

敬業堂詩集卷二十五目錄

炎天冰雪集

端陽前二日初食荔支戲寄德尹時弟在蘭州二首

西施舌

香螺

鱸

鱈魚

花蛤

黃螺

珠蚶

食江瑤柱

林草臣攜酒見過

養蜂歌

汪學使棣園寄餉興化荔支

林竹筠封翁招飲榕菴

汪悔齋方伯署庭有荔支小暑後摘以見餉率成十六韻

甘泉漢瓦歌為候官林同人賦

張民瞻舍人趙二今孝廉同日餉荔

支

六月初六日同竹垞青壇過長慶寺

噉荔支二首

與陳漳浦莘學話舊

數日前作詩報悔齋方伯末有無厭之請蓋在楓亭荔支也朝來果蒙分

餉再成一律

龔運使榕溪招飲園亭

飲陳集斯烏石山莊

六月十四夜喜雨

題讓竹亭修禊圖卷

送龔仲圭歸合肥

仙遊茅筆歌

壽山石歌

以蜜漬生荔支戲成一律

飲張民瞻齋

高斯億為余畫竹以詩報之

福州太守毀淫祠歌

題悔齋方伯小照二首

楊浴菴錢別於謀野莊

垂橐集

舟發螺江林草臣張民瞻追送於洪山橋

朝發竹崎順風晚抵水口驛

初上灘

逆水逆風歌戲呈竹垞

七月十五夜泊埂程

折紙灘

箭孔灘

茶陽灘

盆灘

雨後過南鴉口

建寧遇德州田子益以蜜漬荔支分

餉

飲甌寧陳明府陞來縣齋

萬石灘

大小米灘

牛頭牛尾灘

重過雙溪口懷武夸舊遊二首

迴龍渡

龍牙灘

蓮花灘

鼠灘

同學王令詒於庚午冬過嶺有南浦見寄絕句今日至浦城追憶前詩和

此遙答時令詒宰黔之銅仁

綠波亭

行經夢筆山下

發浦城晚宿漁梁嶺下

梨嶺廟前古松爲火所焚作歌弔之

度仙霞關題天雨菴壁

峽口

雨中過江郎街二首

曉晴發清湖鎮舟中望江郎山

雲尖渡即目

兩夜宿王子穎龍游學署

嚴陵二絕句

夜發富陽曉至泥汊避潮小泊

吼山

偶遊蘭亭

語溪舟中與竹垞別

閩中垂橐而歸家人適告米盡口占

二律

戊寅除夕

敬業堂詩集卷二十五目錄

五言古詩

五言古詩

萬石齋

萬石齋

兩夜宿王子穎龍游學署

兩夜宿王子穎龍游學署

某題

某題



敬業堂詩集卷二十五

海寧 查慎行 悔餘

炎天冰雪集 起戊寅五月盡六月

端陽前二日初食荔支戲寄德尹時弟在蘭州二首

荔子初紅到福州絳囊欲擘已涎流阿頰來往如相避  
弟於甲戌

二月遊此四月還家未嘗噉荔也阿頰弟小名

方紅陳紫價爭高次第行將飶老饕直作衝炎吾得計西遊終不羨蒲桃  
魏文帝以

蒲桃比荔支世譏其繆

西施舌 一名沙蛤

尤物佳名托依然住水鄉死難逃越網生只戀吳航  
沙蛤產吳航者佳

香螺

螺女江邊產形龐味特奇客廚貪一飽空殼付僧吹  
梅聖俞詩佛寺吹螺空唱噪

蟬 閩大記一名蟾蜍

味美尤在螯一枚十錢買自從擘蟾蚌不憶分湖蟹

蟹腹下有十二足雌雄常相負取之輒作雙

介屬魚其名雌雄同一束爬沙苦無力安用十二足

花蛤

入水化幾時登盤復充餚剝腸誰見憐文采却在

黃螺

藏尾露兩角肉黃漫多腥時於蝸殼中自負枵然形

珠蚶

珠蚶細已甚魚鱗鵝眼許海錯幸自多烹鮮乃及汝

食江瑤柱

河豚豈不佳中毒時有之須臾聊為性命忍當筵輟箸甘被旁人嗤半生夢想

江瑤柱客或誇示長朵頤南遊無一事直為口腹寧非癡土人向我言惜來非

其時客欲嘗此味請以冬為期清晨無端食指動腥風怪雨入座紛離披天教

尤物落吾手海市忽逐神鞭移常鱗凡介盡辟易獨許上品當釜錡其形初如  
羊角合倏若蝙蝠兩翅張離徙格高味厚少爲貴中間甲柱孤撐搯淪以百沸  
湯逡巡發華滋鮮於金盤露潔比白玉脂食經百六十五卷鳴薑點醬無不宜  
良庖俗庖兩兩割烹好方法不用傳嚴龜隋大業中刻淮南王食經一百六十五卷唐人嚴龜有食法十卷退  
之引類及章舉坡老比擬到荔支二公評隲竟誰是吾方飽噉不暇措一辭

林草臣攜酒見過

草堂無定所亂後屬他人愛客老尤篤論交晚自親割鮮兼衆味載酒過比隣  
一醉叨深眷翻憐地主貧

養蜂歌

逆旅主人貪養蜂木櫃中結房千重別開孔竅聽出入高置簷宇虞奔衝頗同  
君臣儼有禮稍別種族如知宗兩衙薨薨勤鼓翅四序擾擾無停蹤婦姑勃蹊  
或同室子弟威壯旋分封秦宮每向花底活韓憑大抵枝頭逢苦兼黃連充藥  
使甘比稼穡成花農乾坤大哉類斯聚形體眇爾性則兇天生是物本巖谷於

世無競宜相容自求辛螫誰作俑乃至役物為人傭僦居一椽在隘巷偏側欲  
避愁無從明知倉卒非大害未免有意防針鋒吾將縱女任所適解衣盤礴便  
疎慵主人一咲不見許留待割蜜當嚴冬

汪學使棣園寄餉興化荔支

南越百株移遠植西川一騎走炎埃如何兩日楓亭路也為先生置驛來

林竹筠封翁招飲榕菴

山根沮洳濕蒼苔別業重新鑿石開但使周遭留竹樹不妨次第補亭臺五經

又課諸孫讀

次公碧山以五經擢第故云

一榼頻攜遠客來指點舊時門逕改雙榕前歲拔

風雷

門前榕樹二株丙子七月為大風所拔

汪悔齋方伯署庭有荔支小暑後摘以見餉率成十六韻

陰合重樓外枝垂曲檻東珊瑚推舊譜玳瑁占新叢畫省初凝露薇垣迥得風

繁星紛乍摘白雪沃俱融步障絲褰紫宮衣袖卷紅品方瑤柱美

東坡梅溪以江瑤柱比荔

支肌愛玉環豐只許輝銀印

白樂天寄楊使君荔支詩對君銀印色相鮮

何期餉竹籠從來臭味合

大抵餽貽通不是分甘好將毋嚼蠟同炎官方赫赫熱屬又蟲蟲解駁涼無汗  
醫蠲渴有功稍宜親夏簟惟欠剝春葱長樂全勝畫郵亭尙憶楓長樂所產名勝畫者可與  
興化之楓亭相匹近應來郡縣遠不比瀘戎少陵詩憶過瀘戎摘荔枝支旅橐終難致頃筐倘  
更蒙此遊專爲口貪得咲何窮

甘泉漢瓦歌爲候官林同人賦

林生老立專門學金石遺文卷盈握曾經從宦走長安斷碣殘碑蘚親剝昭陵  
蹟廢補土闕磨石山高穿硤确冰霜裂面虎豹嗥沙礫堆中拾完璞摩挲銅狄  
自何年萬棟灰飛片瓦全爲按黃圖考宮殿始知地是漢甘泉底平面正規而  
圓肖形似鏡還如錢其高半寸徑三寸旁具輪郭中不穿土花蝕後文留識音志

上有長生未央字龍拏鳳攫結撰奇肉厚肌疎形體異與人作硯不中用抱質  
如初無變置吁嗟乎楊南仲劉敏不作識者希時俗誰能辨真僞巧多滋僞樸者

真此瓦人間蓋無二豈同冰井香姜閣埏埴紛紛托疑似勸生勿更加礪磨本  
色須教存古意生領此語索我詩我詩質直無媵辭請煩拓致數十本徧乞羊

何共和之或恐流傳落人口陶甄又復成今手

張民瞻舍人趙二今孝廉同日餉荔支

側生倒挂蘋虬珠後先磊落致座隅空齋長夏失炎熱中有仙姝冰雪膚太真

飛燕兩媚嫵那辨徐家蔡家譜新譜蔡君謨著甫田譜徐師閔著野人揣分已不廉一飽今朝

煩二主此生大嚼知幾回一日可少三百枚從茲便結荔支社用東坡嶺南事日日西

禪寺裏來

六月初六日同竹垞青壇過長慶寺噉荔支二首

碧蘚埋唐碣紅雲擁寺門客嘗初揀樹僧引為開園甘露充香飯清泉注瓦盆

分沾徧僮僕猶自壓枝繁

蚶殼梢梢重星球箇箇圓生偏當遠嶠吾及遇豐年寺僧云今年荔子最熟似為遠客設供邂逅

三人話衰遲一飽緣勿嫌來較晚禽鳥讓爭先

與陳漳浦莘學話舊

誰憐香案吏遠謫到天南索米洵非易折腰良不甘山租輸海貝市舶賤迦楠



喜拜貧官惠輕風白葛含

時以廣葛見贈

數日前作詩報悔齋方伯末有無厭之請蓋在楓亭荔支也朝來果蒙分餉再成一律

四樹楓亭種曾經入貢餘人間應漸少名下果無虛絕品慚供客兼程苦累渠

色香全未減地主誼何如

驛庭只四樹樹老半枯枝閩人宋比玉荔支詩也

龔運使榕溪招飲園亭

擲印歸家鬢未蒼手栽梧竹闢池塘到來但覺綠陰好坐久始知清晝長客子解衣思避暑主人投轄怕逃觴不辭戶小拚沈醉三伏世間無此涼

飲陳集斯烏石山莊

炎天塵滿街襟襪何太苦野人寡酬酢一飯必擇主陳生靜者流邀我遊椒塢小樓城北面豁達寄簷宇漸入轉幽深忽高迷步武清泉閱巖竇涓滴時復吐碧眼貯渟泓瀉爲荷芰渚隔離微辨徑疊石不帶土瘦竹走長鞭淡花垂細乳木桃正垂實

木桃似木瓜而有紋上結一臍如小桃

錯落指可數中無一蟬嘶上有獨鶴舞孤亭

出林表七塔皆下俯客來導攀躋赤日方卓午清涼徹山骨快若新過雨善病  
君得閒息交吾獨取何當把鑱柄共治黃精圃

六月十四夜喜雨

撲扇蚊蠅苦不支乍涼聊與睡相宜一窗歸夢芭蕉雨六月驚心蟋蟀詩遠客  
交遊長寂寞殊方節物極參差明朝紅屐城西路已是潮田穫稻時

題讓竹亭修禊圖卷

何必山陰亦有亭一時盛事又丹青舊因洗竹開三徑新爲栽花讓半庭詩好  
儘容僧入社客來總與鶴忘形年上巳風光在長指天南聚酒星

送龔仲圭歸合肥

嗟余生苦晚前輩目未識側聞長老言蘊蓄推厚德煌煌端毅古道手扶植  
南宮昔校士良窳就陶埴至性實憐才搜羅如不克謂宜餘澤在十世報猶食  
公子負英才承家奉軌則于人非本意負米貧自力堂有白髮親傷哉彼屺陟  
通門謁開府願望良易塞舊時桃李花當路化荆棘交幾厄陳蔡歸及課畊織

不污棗囊金正復壯行色螺江水新漲帆影輕比翼一事足誇人來從荔支國

薩天錫詩紅塵  
香煖荔支國

### 仙遊茅筆歌

羣山海上來絡繹趨九仙僊翁此山住示夢於幾先

九仙祠祈  
夢最靈

山中老樵枕石

眠斧柯斷爛不記年夢中髣髴遇神授筆花晝吐黃茅天覺來信手縛不律巧  
被筆工偷妙術遂令九仙祠下三脊茅用與雞毛鼠須匹中書免冠頭不禿管  
蒯居然效微質幸渠一束價未高殿頭簪珥非汝曹若教朱墨官盡取便恐仙  
山成不毛君不見連山伐竹兔免拔毫鐵梳膠綴何其勞穢史自執奸吏操直與  
此輩供錐刀老夫抄書指生繭怕搦人間管城管塗鴉結蚓隨爾爲不要殘年  
護吾短

### 壽山石歌

周禮重璽節後來印章毋乃同自從秦人刻玉稱國寶此外雜用金銀銅鑄成  
往往上戴紐屨最作力碑趺雄橐駝羔鹿虎豹龍細者龜兔巨者貔與熊肖形

寓像隨所好繆篆法與蟲魚通漢時斗檢封下沿唐宋仍相蒙神龍貞觀宣和

中六印旁及金章宗當時御府收藏及書畫首尾鈐識丹砂紅民間私記不知

幾千萬楊克一有集古印格王厚之有復齋印譜姜夔有集古印譜趙子昂有印史集古誰能窮車磔瑪瑙

犀角及象齒苟適於用俱牢籠後來摹刻忽以石其法創自王山農元末諸暨人王冕自

稱袁石山農始用花乳石刻私印自元歷明三百載巧匠到處搜碯礱吾鄉青田舊坑凍價重

蒼壁兼黃琮福州壽山晚始著強藩力取如輸攻初聞城北門日役萬指傭千

工掘田田盡廢壽山石產田中者最佳鑿山山為空崑岡火連三月烽玉石俱碎汗其宮

況如官長日檢括土產率以包苴充今之存者大洞蓋已少大洞所產亞於田石別穿巖

穴開芙蓉今所用者皆出芙蓉巖居人業此成石戶斑白老叟攜兒童采來製紐尚倣古

一一彫琢加磨礱我聞金石古稱壽茲山取義奚所從如何出寶還自賊地脈

將斷天無功山靈有知便合變頑礦庶與鴻濛混沌相始終

以蜜漬生荔支戲成一律

蠟黃封蒂上方奩未入蜜時先融蠟封蒂兩月南中已屬厭筐筐人情憐白曬瓶罌方法

愛紅鹽白曬紅鹽俱見君謨荔枝譜離枝便減三分色入蜜懸知一味甜珍重老翁親手摘歸

教兒女得分沾

飲張民瞻齋

出牆藤蔓走龍蛇指點相過路不賒却喜隣居連北巷每拈書籍問東家寓舍去張

最近頻得借書故云涼生翠蓋亭邊雨風落紅薇屋角花借取深杯還接燭不愁官鼓夜

催搗是夕微雨竹垞先歸余及龔容溪兩人復留縱飲

高斯億為余畫竹以詩報之

畫竹原從草書出眼中孰是張芝筆高生善書久絕倫餘技兼為竹寫真自言

亦用狂草法頗覺遊戲能通神無諸城中少修竹客舍連旬苦炎毒賴君妙手

補化工為我一揮終十幅幅終擲筆風雨來野人疎爽心顏開須臾雨止墨光

濕潤入紙背生蒼苔老龍蛻骨瘦崛強翠鳳掉尾紛毳毳魄雄氣大腕力壯盡

掃篠蕩皆凡材忽然幻作鐵鉤鎖江南李圭作竹自根及梢極小者一一鉤勒成謂之鐵鉤鎖自云惟柳公權有此筆法

世有誠懸應識我渭川千畝胸鬱蟠放縱精微無不可文湖州派繼者難後來

獨推王孟端人間多畫風中柳

東坡題文與可墨竹詩那將春蚓筆畫作風中柳

珍重蕭郎十五竿

億斯

墨竹甚自秘重故用蕭悅事爲比

### 福州太守毀淫祠歌

愚眊致貧蓋有術祈福淫祠亦其一  
八閩風俗尤信巫社鼠城狐就私暱  
巫言今年神降殃癘疫將作勢莫當  
家家殺牛礫羊豕舉國奔走如風狂  
迎神送神解神怒會掠金錢十萬戶  
旗旄夾道鹵簿馳官長行來不避路  
忽聞下令燔妖廬居民聚族初睚眦  
青天白日鬼怪遁向來祇奉寧非愚  
嗟嗟千年陋習牢相紐劈正須煩巨  
靈手江南狄公永州柳此事今亡古亦  
偶獨不見福州遲太守

### 題悔齋方伯小照二首

鯨呿鰲擲氣何如目送雲濤蕩碧虛  
記得大羅天上事澣山難著白尙書  
獨立蒼茫又一奇長松怪石兩參差  
披圖聊識高人意未是科頭曳履時

### 楊浴菴餞別於謀野莊

黃門門下無多士

楊爲先黃門伯禮闈所取士

三十年來盡罷官  
白首荷君存古道清樽留



我話更闌科名得路人餘幾子弟能文事最難別後倘逢潮信便好從魚素報

平安

垂橐集

起戊寅七月  
盡十二月

舟發螺江林草臣張民瞻追送於洪山橋

小雨作秋涼扁舟客將返殷勤良友意送我不辭遠洪塘十五里短亭復長亭  
可憐橋下水臨別難為聽來時梅子黃去時龍眼熟新歡旋已散後會恐未卜  
勿謂嶺海遙合并諒有由所嗟迫衰賤去住兩白頭

入坐大朝發竹崎順風晚抵水口驛

荔海南來得飽餐此遊那更咲無端歸帆偶得東風便明日方知上水難

自  
以上

皆險  
灘矣

涼月一梳微帶暈暗潮三尺忽平灘炎方未必無清景貪向船頭坐夜闌

初上灘

建溪之惡惡無比狼石高低勢隨水竹篙如鐵船似紙曲折蜂窠犬牙裏南浦  
迢迢六百里大灘小灘從此始黃河亦可濫觴耳不到水窮行不止

逆水逆風歌戲呈竹垞

逆水曠強弩逆風簸蠻旗澁灘怪石張領頤使我有恣不敢拽有篙不能施但見北來船乘流挂席東南馳我欲問天天不可問丈夫處世各有利鈍塞者自塞通自通造化小兒游戲中邂逅兩相值我適遭其窮却笑竹垞老與我同舟還遇風乃以我故兼累翁翁今涉世頗知退坐狎雷霆如一噫我拍手翁和歌人生大都逆境多順流豈遂無風波

七月十五夜泊埂程

一村樹合煙初暝四面山高月未升隔岸聞鐘知有寺滿川風浪放河燈

折紙灘

去尤溪縣二十里

可憐尤溪灘險於太行山羊腸九折有路猶可攀折紙一折乃在疾雷掣電中  
央間高下既懸絕東西故彎環上灘不易下更艱有生寄命脆如此搖手休輕  
過折紙

箭孔灘

銅牙發利矢未足喻其急小舟欲穿針孔入石梯倒行三十級強弓寸寸彎不得弄殼不中嗟何及束手號天天雨泣

茶陽灘

舟人口號云大水大湘小水茶陽謂水落時茶陽最險也

大水大湘小水茶陽巨川塞路如牛如羊叱之不動迺是石波臣橫踞千步岡當時大禹疏鑿不到此漸長牙角勢莫當棄置九州外放流比投荒如今郡縣闢海外尚於中道梗咽爲民殃何人爲剷除毋令與水爭強梁石言吾何辜水性本易怒請君看取淮揚交正坐中流無砥柱

盆灘

灘險寓盆名波瀾頗不小寄語踏浪兒如何狎池沼

雨後過南鵝口

暴漲添三丈朝來冒兩涯山深惟古戍岸轉忽人家苦竹秋來筍紅薑雨後牙似聞靈鵲語報我過南鵝

朝來聞鵲聲延平以南所無也

建寧遇德州田子益以蜜漬荔支分餉

珍做宋版印  
兩月三山客歸裝但荔支製來經我手開處朵君頤野饋憐同好人情感過時  
平生甘苦分一味不曾私

飲甌寧陳明府陞來縣齋

京國三年別溪山半日留眼中逢地主意外繫歸舟對酒寬相憶當歌感昔遊  
應憐舊同學臨老獨漂流

萬石灘

俗名阿彌陀佛灘  
中流有三石幢

物各以類從號石數有萬波流石自止於義特取良憶昨經茲灘巖巖爭自獻  
今看三石柱尋丈纔露寸一條換骨龍掉尾秋更健逡巡溯流上淹滯得无悶  
揚帆過須臾正賴長女巽舟人歸佛力翦紙酬夙愿老夫亦欣然滿酌不待勸  
大小米灘

掀波成山石作底風平石出波瀾瀾秋天一碧雨新洗大灘小灘如撒米

牛頭牛尾灘

牛頭彎稜牛尾直挺挺牛腰沒水五里長牛角雙雙亞桅頂我聞滌瀨如馬

戒舟杭爾牛曷不服爾箱又聞刻石作犀鎮水怪爾牛胡敢恣爲害夜從寧戚  
飯朝就巢父飲或蓑或笠或訛寢客過灘頭亦安枕

重過雙溪口懷武夸舊遊二首

雲封霧冒失煙鬟縱棹曾從九曲還自覺秋來遊興懶竟貪歸路不登山  
飄飄笙鶴萬峯頭只許南來一度游不分此生難再到蓬萊風近且迴舟

迴龍渡

已窮三日程未盡西甌境晚煙投古渡歷歷見人影北際仙霞關東走括蒼嶺  
中間小聚落百舍同一井結屋深箐中開田萬松頂年豐米價賤市散村聲靜  
野戍依其旁孤燈光耿耿雖無荷及役尙有擊櫨警殘月猶未生寥寥秋夜永  
勞生竟何事俯仰媿清景

龍牙灘

乖龍竊天符噬霧南入海無端蛻鱗甲墮地幾千載帝將馴擾之不忍甚厥罪  
已令化爲石本性終未改欲遣水逆流障川作崕崑河神勿聽命蓄怒更百倍

森然磨其牙昂首若有待舟行一不戒適救魚驚餒幸以險著名設防亦每每  
篙師出全力遇此愈精采滅頂世豈無毋貽過時悔

蓮花灘

潭潭積水中沈石知多少偶然一呈露妍醜難自保茲灘乃以蓮花稱秀出溪  
面開層層惜哉非所據徒取見者憎不見關中岳蓮撐兩峯江上九子各芙蓉  
千年老鶴巢雲松仙居縹緲築臺殿復有詩老來扶筇爾今胡爲不自拔縱使  
娟好誰爲容漁翁溪女詎知賞惟見蚌沫相噉嚼石兮如有知得地未必非遭  
逢

鼠灘

五行紀異古垂戒銜尾渡江占鼠怪從來一穴可沈舟爲禍於人豈在大張湯  
雖酷未盡除我今方嫌漢網疎致令此輩繁有徒詭托黠狀生江湖安得秦時  
鞭石法駢使浮沈逐鵝鴨太倉溷廁從渠偷切莫飲水污清流

同學王令詒於庚午冬過嶺有南浦見寄絕句今日至浦城追憶前詩



和此遙答時令詒宰黔之銅仁

平生怕讀江淹賦南浦今來別恨同此地故人曾憶我一官今落瘴煙中

綠波亭

愛山愛水成吾癖一咲艱辛亦飽經虎舌龍牙初脫險

二灘名

又題詩上綠波亭

行經夢筆山下

詞賦成名只等閒寸心得失略相關詩人老去防才盡不敢輕嘲夢筆山

發浦城晚宿漁梁嶺下

城北城南叫鷓鴣似言前路極崎嶇回思習坎真輕命頓覺升高是坦途戍壘防秋仍鼓角人家經亂久榛蕪殘燈影裏蕭蕭夕萬疊荒山客夢孤

梨嶺廟前古松爲火所焚作歌弔之

吾聞梨嶺廟前老松樹舊與嶺勢爭峇嶢此廟有興廢此松閱世不知凡幾朝亦不知其高幾萬丈直從山根拔起上蔽山之椒今來何闐寥竽籟不復聞蕭韶可憐去年秋已作霹靂焦雷公斬斷青虬腰白鶴飛去誰能招豈無梗枏與

竹柏坐覺滿山氣象入望成蕭條獨留古根深磧底神呵鬼護如靈苗茯苓歲久化琥珀居人德薄何敢以倖邀翻思十年前東南寇盜蜂擁潮山童石赭供爨樵汝於此時幸得脫賊兵不斫乃被野火燒天既賦良材使得干雲霄胡爲灰劫隨僧寮長成艱難摧拉易自古在昔非今朝嗚呼自古在昔非今朝

度仙霞關題天雨蒼壁

虎嘯猿啼萬壑哀北風吹雨過山來人從井底盤旋上嶺下有龍井天向關門豁達

開地險昔曾資劇賊時平誰敢說雄才一茶好領閑僧意知是芒屨到幾回

峽口初入衢州界

矮屋荒村岸浮橋亂水灣船初通峽口路已入鄉關紅斂初沈日青餘未了山

沙田秋熟早牛更比人閒

雨中過江郎街二首

奇峯登五老秀嶺度雙姑昨度大小楊姑嶺好咲三郎石朝來却避吾

雨滴松杉徑煙迷穉榿鄉秋山行處好何必識江郎

曉晴發清湖鎮舟中望江郎山

碓牀石瀨響泠泠愛入歸人舊耳聽  
岸草綠痕移蟋蟀水花紅影帶蜻蜓  
樵爭曉市秋初霽風轉荒灣櫂一停  
雲霧不遮南望眼三峯回首徧天青

雲尖渡卽目

水鳥插頭眠近船忽羣去只有一條谿  
前飛落何處

兩夜宿王子穎龍游學署

先生六十鬢將華老去方憐始願奢  
百里好山長繞郭一官閒地便移家  
空堂對酒涼生幔細雨移燈夜落花  
分爾歸裝無俗物芙蓉巖石竹窠茶

嚴陵二絕句

巢由等是未稱臣自占箕山穎水濱  
誰遣州名屬流寓却疑此地竟無人  
信公門下實多才柴市餘生大可哀  
不是英雄誰有泪更無一個哭西臺

夜發富陽曉至泥汊避潮小泊

浦口沙積岸潭頭雨壞橋客程兼昨夜  
鄉夢破今朝小堰孤舟渡荒山八月樵

風波歸更怕不賦廣陵潮

吼山

天開地坼石崢嶸一棹穿雲入舊城喚起清風答長嘯滿山松柏盡雷鳴

偶遊蘭亭

黃茅十里騎驢路中有南朝內史祠墨本尙傳修禊帖紅牆新護御書碑浮橋過雨衝泥渡曲水平階疊石爲一咲山陰付陳迹人間何事不兒嬉

語溪舟中與竹垞別

一條柳標一扁舟每過佳山約少留榕葉蕉陰消客夏芡盤菱角到家秋粗償行脚平生債不爽歸期汗漫游我有新詩同七發起翁微病待翁酬

時竹翁方抱病

閩中垂橐而歸家人適告米盡口占二律

烏有歸來問子虛鄉園米價近何如雞爭野老場邊粟鼠嚙先生案上書閱世始憐貧是病占年空說衆維魚荔枝飽噉吾知分此福從來有折除  
半生顏狀忝風塵檢點身謀悔亦頻辟穀有方宜拔宅毀車無用是勞薪篋空

唉貯加餐字吾老羞爲乞米人賓客不來僮僕散免教鵝雁惱比隣

昌黎詩隔牆極鵝雁

戊寅除夕

手中著擲流光過

東坡詩流年已似手中著余今年四十九矣

老境猶彎寸寸弓鄉曲無醫憐病婦

米鹽何物累衰翁一家懸磬豐年後萬事挑燈此夕中那不癡騃逐兒女試看

禿鬢已還童

敬業堂詩集卷二十五